



顧齋集

二

詩

卷十三

^16
2402
2



和
2402
13-2



國齋遺藁卷之三



詩

酬朴洞玉 琛瑛并序

日余聞諸前輩丘珍之朴其別於山陽者最著又自是有別於高興者琵琶之嶼僊人之臺水滙而山迤則吾洞玉蓋其產焉洞玉二十餘一舉而登內舍操觚者流固未敢望其脚板而縣之人駸駸狀繼起咸曰此洞玉所倡也即橘柚篠簜美則美矣視洞玉何如哉而余僻且陋雖與之并一壺同一路宜若相

見之早朕而十年多病未始一日接慰勸之
歡也逮余之西而游于衆中有觀焉其服則
麤其貌則溫其視下也其步舒也人有語余
者予知有朴洞玉耶則夫夫是已噫余之日
於是而快矣顧猶囁嚅未暇於請交殆亦形
穢是懼焉耳河王忽不自重造余以爲士之
知不知豈面若否之謂哉惟志之異同如何
爾方今漢上斯道之所在心豔之稔矣吾願
竊者請者而無以紹介子旣獲我心先矣將
及子周旋可乎噫余之心於是而尤快矣嘗

獨思之天之生才非古今爾殊也自夫科學
之盛其有才具微是塗無得試焉雖以有宋
本國諸老先生道德文章絕類而離倫者鮮
不屈首而從事特不爲其所奪故所樹立終
卓卓難及中人以下則不朕雖稍知內外賓
主之辨朕亦往往流蕩而不返彼其記誦之
富詞翰之妙豈無瘳於徒業場屋者哉若夫
臧與穀之亡羊則一而已於斯道何有此丑
之談者所以尚古之多才而尤今之小才也
豈天地二五之滴清粹者絕少而濁駁者皆

是歟抑氣化無變於前後而惟視其人之用
志歟今河王既優於科學矣又企於斯道矣
余雖無能為役庶幾知同歸之可樂矣子而
不遐我何辭焉蓋二人者相得至是而莫尚
尅臂矢心行有日矣孰謂一朝而至於狼狽
哉嗚呼吾輩出城之日雖先後微差而畢竟
讀書而連業也并案而聯枕也而又歸依於
丈席有所於就正則吾輩之樂蓋無間矣邇
之狼狽安知天意不在於玉成且又安知不
因此以明夫天之生才實不殊於古今也耶

誠如是不但河王所居山水之增耀也凡有
口者亦將嘖嘖傳之永久使知丘珍氏之有
人而余之辱交固有榮焉於其贈遂為之勉
湖海違傾蓋風期昔自疎偶賦成好會因此共曾書
山迸微微月川觀潑潑魚他時幽夢裏應念此聯裾
追次金典簿正禮履安已卯贖行之作仰呈請

教三律

有美同年契雲樓夫子家多情白雪韻猶記大江涯
一別鴻頻度相逢榴正花橋門自寂寞那復望高車
固窮應為養清白獨傳家質秀仍賢後官閒亦 聖

涯口須吟蜀柏回，奈負明花咫尺三洲路。何時理釣車。

卻羨斑衣覲青郊，豈我家阜比曾托跡。道奧欲窺涯玩物，方沾背談經。只墜花良規，休漫惜日月似翻車。

謝楊子咍

二律并序

子咍氏千里遊漢上，篤學研業往往造微甚可敬也。一日步余答金典簿詩韻，見惠一律辭尤粲然，卻步以謝。庶異時相還霞標之下，出此為證如何。

忽地成嘉會，江村八九家。素文徵魯叟，玄學耻王涯。

且揀沙中貝，須添錦上花。清風詩夏好，何幸得南車。漠漠芙蓉國，孤雲定繞家。憐吾身不健，羨子智無涯。脩路應加策，流光只幻花。幾時霞標畔，相訪為停車。

和寄李時晦

二律

壁沼團圓樂，江樓契闊悲。同心懷故友，尚古有餘師。一出時應可，先歸分自宜。秋聲指梧葉，看看別離期。聚散人間事，何須管喜悲。知君肯先祖，羞我負賢師。月靜橋門好，風清帆腹宜。詩成忽自笑，浮世且前期。六月十四夜，雨霽天澄月。是江明甚奇，勝也屬克之。

洪樂

拈韻俱賦庶備院中故事云

今夕天瓢不要傾一竿清月蘸江平高樓自在虛明
界誰把瑤琴理古聲

吟贈洞玉二絕

余與洞玉來留石室已逾月歸時又將同舟
下東湖勢必相別心甚悵朕情見于辭二絕
雖寂寥無以擯也

聞說琵琶湖上家春來罨畫紫薇花知君此日思歸
苦北羽南鱗奈一涯
歸去應將白露期橋園千樹定垂垂憑君欲擬靈均
頌歲晏相須寄一枝

自師門告別而退洞玉有詩屬和座中余亦不

敢無言一絕

談經幸得發金春一月春風仰有容在道他時應永
賴共祈函丈壽如松

右奉屬文席

詩書舊業只戈春持敬還須儼若容珍重友朋相勉
意歲寒歸對一株松

右致勉同好

舟中洞玉呼韻

六月下江漢微霄為不陽沙平元渺渺山轉更蒼蒼
可耐雲樓遠因思石室涼南歸應幾日天末是吾鄉

楊柳詞五絕

家住江湖南復南當門楊柳碧氍毹下來苦惱還如
許隨處牽情不自堪
香亭路上花吹雪錦水城頭葉綴烟
好不知時序已流遷
舍春苑外鶯聲度樓鶻巖巔蟬語生特地清陰來往
路羈愁贏得鬢毛明
白鷺洲邊朝雨後玉壺樓下晚風端千絲萬縷能多
少卻怕微霜暗作寒
京國棲棲亦可傷夢魂強半為思鄉歸期正趁新秋
候楊柳當門月一方

次雙湖樓韻

二律并序

佐郎趙丈

賦

與仲氏副學令公丈

賦

卜宅于

此東西只隔墻其三月十七日蓋雙生醉辰
而樓適成副學之胤裕叔鎮寬又新思司
馬也因設小饌以落之鼓琴投壺其樂可知
既係孳胎地又二水故擬額雙湖焉副學先
有詩佐郎和之士友酬唱者多矣仁叔鎮宅
子出聯軸示余余亦不得無言云

瑞蓮雙蒂葉東西樓下清沙先少泥弧矢正當新鷲
賀琴壺不待翠蛾低逸休舊韻尋驪水謙謹遺風亦

竹溪觸目琳琅還可喜幾回多暇與提攜
十丈狂塵蓬嶽西伊來平地亦青泥江聲出郭心因
爽槐影臨軒興未低憂樂悠悠明月棹源流的白
雲溪天涯借景能無戀灑筆秋風惜解攜

次韻留別仁叔

孤鳳應空百鳥喧脩狀終日立江門境幽不到塵間
客樓迥因邀石上孫四壁圖書渾是樂三洲風韻苦
難諼吾家亦有西山好黯黯歸心水竹村

青蓮庵贈朴河三

白雨江郊外行行到寺門山迴無學峴地切在尋村

古貌崖松在幽杳石竹繁多君書數字飛報有游髡

別雙湖樓

江上樓高纜數層羈人無日不孤凭樵風小舸多東
峽漁火長洲見廣陵此地浮緣三宿在他時幽夢幾
回仍乘春定有飛來鷺簾額梁間可記曾

聽李將軍華鎮歌二絕

風沙千里舊從軍白首歸來未策勳南郭悲歌秋夜
永一聲誰遣動明君

漠漠關雲夢有無坐看清月滿堂隅不如早逐賓鴻
去漁唱斜陽過兩湖

晚隱齋春帖乙酉

一室端居好吾翁俗念灰春從今夜立月逼上元來
時命安潛躍詩書仰繼開兒孫何所願歲歲陟南陔

李來伯應相盆池白蓮次韻

君家刺水亦湖光知有鮮葉絕眾芳月裏涸涸纔別
葉霜前冉冉酷傳香但將綠柄森清影不用紅脂媚
太陽一種薨池吾復爾明年吟賞為抽腸

秋雨呼韻

水國芙蓉萬里秋曉來風雨集西樓悠然夢逐漁舟
伴一笑輕篔理釣鉤

詠懷

無端三十七回秋點檢初心半謬悠蒼蒜已和頭上
髮玄花欲翳眼中眸光疲寶匣宜磨鏡心燼殘燈且
注油莫問從今等閒事千歧萬轍使人愁

佛臺山僧永日朮詩二絕

頽桐過雨尚斑斑僧到斜陽門不關見說雲居秋正
好眾香楓錦佛臺山頽桐細

南歸禪誦幾時間一念恒沙環復環我亦有聞能信
否心齋千古只輸顏

古風一首賦榷子奉餞武城使君金履信投紱

之行兼示賢李履顯

江南有樵樹乃在白羊山亭亭梁棟幹鬱鬱霜雪顏
斷凡文章爛倚之寧不歡况復多佳實臭味無鹹酸
涼秋八九月可獨充杯盤三彭衆所病寸白方成痕
但令一咬罷心腹頓能安先生卧漢陵未試壽民丹
使君賢子弟作吏猶間關居欣投紱去觀者四五歎
伊我亦何爲有懷期歲寒不惜贈此物願比青琅玕
長歌侑棠棣行行且加餐

續董生行并序

韓文公既作董生行朱文公編之小學近世

河西金文靖公又有手筆行焉董生之遇盛
矣哉今董安生東表下邑幾不知有斯人者
庸不惜也余以狀輒敢因聲續之庶異日採
詩之士有得云

蟹水出碧梧峯北流三十里所不自己鰲水出其西
不自達海黃緣入蟹水湖南屬縣有興德我至行
聖在縣人董生啟相竭力養母於其側姓名不自耀
長吏不聞聲實問遺不到家家中惟有一把茅風雨
得蔽遮嗟哉董生少服田年既老乞鄉隣祇今七十
四或于廛市或于城闈歸供纔在夕出丐還及晨子

職無厭倦母心無憾嗟哉董生孝以誠人不省惟
有天監明令母壽考福履成百歲除八古有稀三齒
落更生呱呱小孫出遺腹資母抱美怡性情目前貧
窶未足悲異時申休家道亨嗟哉董生誰將知子
之哀昌黎邈焉紫陽逝矣展如之人尚不得褒美亦
獨何為嗟哉董生無知子

董叟周相初名奭白其為母行乞也人已知
之爭先餽遺每赴郊里會所雖一魚一肉亦
不辭既歸則起舞母側或就吮乳務令母笑
樂母九十八而沒叟年八十自是不復乞賢

哉吾先子恆矜之是詩之作實所命也今不
肖已孤而叟亦不可得見謹復訪問遺事一
二附註如此

姜文 柱復輓五絕

文良闕閱古多賢天嶺英英筆似椽惆悵瑞翎飛不
盡人間空覩五章妍

韋布孤忠甲戌年 先朝一疏斗南懸當時誰托瀝
長慮衰鉞昭森石室編

星甲垂適髮已宣青霄回首絕黃緣猶存仲海同衾
樂豈獨洋洋二鯉泉

錦州春物媚雲煙溪上榮臨感久鐫還喜拜床莫郡
路隔簾微雨滿池蓮

轉眄滄桑忽賀遷黃墟消息涕潺湲
及早晚南飛鶴吊阡

寒食聖日赴春川府司馬齋為繼祭議先祖題

名也

東來佳麗獨吾鄉江上孤舟舊夢場鳳味浮青雲竦
竦牛墟生白雪茫茫一百六日庭闈遠三十八齡歧
路長不為題名那肯此楸烟西望又斜陽

敬次叔祖龜巖公呈進士曾大父韻奉栗里宗

叔柱河氏乞和

明宣盛際憶南為流落家聲直到茲千里鯉魚音斷
續一筵花樹坐參離沙川洞裏猶多感冠嶽山前不
盡悲珍重蘇亭早晚事只須相勉在心兒

奉同孟明文

韻光 韻賀齋洞新恩 吳敏

榮錦千年淑氣中花鞦飛出慶熙宮縱橫禮樂仍遺
業顛倒豪雄自下風意健不嫌松晚翠顏韶猶倚日
初紅知音此在誰畸老早早螭坳西復東

披香亭憶舊遊三絕

曾共雲泉二妙游春寒官閣俯空洲疎襟更有維鳩

子一別天涯已白頭

右屬金濟美常行直夫方有伯季及金百行
山水堂前沙徑平絃歌三載此流聲元宵賞月真清
境惆悵如今過去情

右屬杜湖趙使君文

暇

風流西郭使君賢韻碧清談記往年古誼那忘桑下
宿壁題回首轉茫狀

右屬平泉金使君履信

贈黃載之載厚

商頌誰言十二窮天生箕聖亦詩翁章成蕩蕩非無

雅聲轉油油實有風洙泗編時鑿開濶高河曲後竟
朦朧憑君試問三經祖須挈源流表海東

皇極近雅夾秀近風并商頌言之豈非周詩
三經之祖乎吾東以箕聖遺民鮮知此意幸
明教之

題奉安館

秋風一騎送香時華髮青衫我是誰只有修身安樂
法歲寒珍重宿心期

中東陽亭子

落落東淮老亭高不可攀光塵留字宿唼唾映江山

頌齋

卷之三

詩

十一

金埒初何與玉簫久未還孤舟一策雨回首有無間

龍門山

離離幾疊翠江畔白雲生國有堯封化山仍禹鑿名
景陽曾卜築華老亦經行悵望秋天遠端能趁晚晴

白鷗谷

風流慕老舊儒宗曠在知音一澤翁修史功存青簡
上啟山心寄白雲中關閩正脈因游刃牛李餘波不
到躬悵悵 王程空過去幾時還此訪遺蹤

原州

雉嶽山陰古北原客來秋日已黃昏弓王霸跡空流

水冲甲英聲何處村石笈應留耘谷史沙場猶有壬
辰魂悠悠萬事都休問極日嘉禾是 聖恩

酒泉懷古

昔聞元霧巷高躅此山中佐翼初何與沈冥遂自終
同聲梅月子慕類栗亭翁南松有宰樹應指越江東

望清冷浦志感

三面長江一面山白雲秋色亂松間天心漠漠雷風
夕地府依依哀冕 顏路絕西歸鵬亦苦峰高東望
竹簾斑今 王聖烈奎章在趨拜龜趺擬趁閒

奉審莊陵

亭亭華表出雲端羊馬無聲松柏寒烏帶遺臣趨
僂紅衣老僕說平安千年逝水流冤盡一種空山
聖難刺喜先朝廷寶曆不須怙悵臉邊沈

越州歌九章章十句

有客東游字永叟半生潦倒甘人蹂讀書千卷果安
用不向朱門肯炙手尚喜伊來賴天靈將身可以資
師友誰遣烏紗便到頭禹穴迢遼旅顏醜嗚呼一歌
兮歌初放南望鄉山情虛牖

有父今年六十三白首家會光因舍名聲偶入君
王聞公議豈忍成空談趨庭自知非幹蠱古人一養

誠多慚若教晨昏侍不離義方亦足從心涵嗚呼再
歌兮歌漸長夢歸昨夜如脫銜

有母子父齒加四九載眼障風為祟持門久令心力
損兒大不能收醫治德備慈嚴竟誰識餘慶分明在
在庇尋常救水已云歎况乃千里當王事嗚呼三
歌兮歌夏浩寸寸手線空內記

有弟生來差二歲連業與我敦恭悌青陽發解還贈
證惜哉一疾今非細膝下何緣聽喚爺出戶強笑回
身涕光陰不住愁易老義質猶須加鐵礪嗚呼四歌
兮歌孔哀安得奮飛聯棠棣

有姊嫁與盧氏郎
柘籬栗園鵝川陽
機杼唧唧鳴不休
憊懔五雞身無裳
一別多時正堪憶
歸覲欣狀拜中堂
相逢詎幾旋北南
我馬瘠矣誰能將
嗚呼五歌兮歌轉苦
只願少留母令傷
有妹長飢在鰲山
老屋天寒雪指穰
男叫女呱不自耐
良人王潔常歡顏
莽蒼相分遽經年
來時小札徒回還
身沾寸祿亦何助
此心耿耿結難爲
剛嗚呼六歌兮歌正
勞期爾且師曹家班
有妻糟糠髮半宣
少也枯悴仍沈綿
農家百事只聒耳
永日入厨無餘饘
在問迂慵孰似我
使君不曾是

刻便西行歲歲漫裁縫
燈下砧邊遙可憐
嗚呼七歌兮歌益厲
引領但俟寒衣傳

有子留依祖翁側
別後森然想顏色
大者十五能馭翰
小者五齡逢客匿
詩書舊種或不絕
成教終當服謹飭
慎莫悠悠學乃爺
入未供膳出瘵職
嗚呼八歌兮歌復起
天曉踟躕至日稷

有女閨中秀而癡
早學王母無非儀
阿月伊唔訓民音
阿甲居狀知誦詩
不辭拈針試補綻
牽衣問我歸來期
秣今山長水亦遠
秋氣慄慄人眉嗚
呼九歌兮歌已闕
終古莫如離家悲

八月二十七日即 國家進宴之期也賤臣縻職東峽不得進參外班謹成二律遣懷

四十二年七十三吾 王功化與天參向來請宴

春宮疏今日歌豐野老談已喜 龍行鳩杖穩將看

雷澤海疆覃微臣亦是含生物寂寂寒山卧 魯庵

清秋西望到黃昏遙想長安樂事存日月高懸崇政

殿風雲齊會建明門句天曲奏神仙降嵩嶽聲傳士

女喧聞說 先朝曾有此願將餘烈翼 文孫 肅廟

朝進宴年月日正與今同

子規詞八絕并序

賤臣少讀 列聖御製至 端廟寧越郡樓

作二篇輒低徊涕淫不自識其何為而狀也

今適來守 陵下感愴益激噫民生秉彝天

所同賦凡有血氣孰不憐之雖相後三百餘

歲尚令人太息彼一時北面而二心者亦獨

何哉記十年前嘗訪六臣祠墓髮豎膽裂歸

語人曰使為靖難元勳遺裔者必不生心過

此况於 本陵乎秋風漸厲秋夜漸永獨處

多病焯焯無寐敢依二篇演之仍名于規詞

庶來者有知云爾

華山漢水舊城池風雨驚飛短翮垂說到東來安用
悔悠悠天意竟難知

清冷浦上鐵崖層草綠花紅怨不勝卻羨沿籬嗚咽

水猶能西去謁 英陵

啼時白日為無輝竹裂江空正憶妃昭悵刀山還劍

閣夜來猶道不如歸

梅竹蕭森月向低數聲長笛亦悽悽終宵血染無人

見遮莫山村叫一鷄

錦城消息白雲空腸斷初寒十月中從此越江花落

盡年年再拜只村翁

甌山高竝鉢山青樵徑依微晝亦冥不待哀鳴應有

淚美人歌曲更堪聽

祇今休復訴幽冤清廟喬陵盛事存正是梨花寒食

節天家一騎遣開門

寂寞秋齋病未眠經行隨處尚餘憐他時月白風清

夜歷歷賡歌又幾篇

病懷

九月越山寒西風葉葉丹夕陽猶自好衰髻若烏寬

夢逐鴻歸易愁將病去難林僧時問我一笑倚幽欄

越江

遙遙大陰水歷歷酒泉川未信鑑湖在空聞錦瀨傳
小航纔候渡羣鷹肯來眠便欲臨流返回頭一悵狀

贈歌者二絕

從古悲涼獨越州清冷餘涕不堪收憑渠莫唱新翻
曲斜月西江客在舟

越山空翠越江流山色江聲乍帶羞賴有清歌堪一
洗千金多少錦纏頭

夜坐漫興

無情錦水向西流不許羈人少浣愁花近重陽猶自
噤月因遙嶺便還幽哦詩惜別迷離夢對燭思歸判

獨游陣陣寒聲因永夜此時方始解悲秋

嚴戶長

翩狀一馬向清冷當路烏頭刮眼明謠俗尚傳嚴戶
長風聲并聳六先生斜陽古里空秋黍宿草荒山定
暮螢異日天饒為越伯石碑須表亞卿榮

清冷浦和前輩并後序

清冷浦上美人詞不是無心來去時年少寢即猶白
髮遺音要遣越兒知

是日浦上出入余為唱美人詞余之不為此
殆過二十歲矣三三率口而發崔叅奉及同

舟人皆慨然不樂因記前輩詩江頭誰唱羨
人詞正是孤舟月落時惆悵戀 君無限意
世間惟有女娘奴或曰此李東岳安訥所作
也抑金龍溪止男既得此詞於女娘翻以傳
諸後世而今越中謳兒未必傳而唱之耳偶
聞茂寅洪尚書象漢祗役 陵下退休館所
有歌此者輒掩袂潛狀曰無以唱也乃知聲
音之感人深矣遂次詞字韻並記洪台事以
示來者云

端廟遺址正在碑閣小東亂石二堆隱約榛莽

問

越峽秦秦亂石堆魯宮陳跡使人哀何年玉玦田中
得今日龜碑江上開楓赤菊黃殘照返水清沙迥小
船迴凄凉不忍成秋賞卻悔慙慙問路來

彰節祠

曾拜鷲梁江上祠南崖疑塚至今悲天翻地覆滄桑
世雪壓霜欺松柏姿如水精神無不在此邦香火夏
相宜應知夜夜鵲樓月長照 莊陵陟降時

觀風軒壁上乃客舍東軒鄭公樞庵村黃公喜詩此

址舊

小館連平楚遙山出短墻
圓翁詩散綺厓相句含蒼
宇宙斜陽裏歌吟二水傍
臨風忽悵悵梅竹舊樓荒

梨花亭

小橋行盡得東崖斗出臨江江更佳
一樹梨花無處覓春來羈緒賴誰排

愍忠祠

江上沿崖松徑微幽幽祠屋對斜暉
當時狐鼠應羞歎莫作尋常婦寺譏

堤川

送盡越山青秋郊一望平
峽開宜稼圃川永可風吟

朗誦誰家子玄風太古岷義林
知不遠吾欲候仙靈

擊劍歌

擊劍歌擊劍歌古今日月何其多
中間萬事太半不如意使人無
一所成老瞠我欲東游陟香城
磴滑路脩山嵯峨我欲南游歷瀛
岳碧海漫漫天接波將西將北亦
無可三十八齡飄忽而經過既不
曾歸老君又不曾依釋迦只有六
經諸子千百卷灰化蠹食愁奈何
功名富貴人所慕君不見長安大
道紛擁呵高者穹穹出台座卑者
猶且陞鸞坡得之不得皆天耳况
復畢竟同歸於山阿吾聞古來達
觀士悠悠起

滅都從他安身立命固有法含光晦彩誰能那日出
而作日入息有酒而飲無酒哦哦之不足歌夏好相
循迭至如旋螺優哉游哉可卒歲請君看我擊劍歌

九日平近堂小集

風流都護爲相邀平近堂中不寂寥山鳥掠絃聲自
嫩江雲繞筆句因嬌盤盂草草何須醉名利悠悠且
算要只恨未登高處去夕陽無路望逍遙

夜坐再用漫興韻

青山寂寂絳河流一笑燈前盪萬愁霜重已教花意
動雲開不遣月光幽浮生自是隨緣遇長路誰能命

侶遊卻掩孤屏坐無語可憐殘夜亦三秋

可興倉

渺渺山南七十州神京一路此經由關津異日存要
害廊廟何人贊畫籌聞說臨湍還小壘追思背水尚
餘羞從來漕轉尤須慎莫爲時平夏不憂

雙嶺弔古

堂堂湖嶺五將軍一死崇禎虜亦聞淵血祗今流不
盡夜來應作斗牛氛

南君德燁挽

西來遺恨若爲寬天日無窮引鏡難墳上他年紅桂

發抵應攀折候雛鸞

甄萱墓

百戰遺墟土一抔暮雲寒燒自春秋憑君莫向金山
望憶到當時政復愁

潛谷金公增大同碑

法從窮處變方通珍重湖西試大同清慎向來猶有
說國人須頌孝宗功

三月三日

舊俗三三節越中天一涯高杉猶朔吹頑雪自陰崖
未放鶻花發虛傳鷲子來無端踏青意池上有誰偕

山芥菹歌并序

余聞山芥美遣僧行一日程入小白北麓乘
雪採取依法作菹氣烈味辣亦可通神而去
穢為賦歌志之

小白山高萬丈二月三月橫冰雪人間可望不可到
往往仙釋窮幽絕我來越中悄無踪對案輒覺腸內
噉豈乏兩江鱖且專一壑蕨麤鱗俗莖只自穢曾不
賴爾看朝徹林池老人古于勒義林有新羅仙
人于勒遺墟相逢
為指東南說東南何有山有芥葉匾苞短味辣舌五
辛之盤力未供百草之方名或闕但令一日游行九

十里翩然採歸今其節我聞此語心已瘡再宿忽見
緇衲禪竹枝助清爽雲根失芳烈懷之礪沉出濛
泉綠更鮮沈入老盆紅旋別一嚼兮口鼻開再嚼兮
脾胃潔劃狀三百六十絡洞狀八萬四千穴朝朝暮
暮遞相續畢竟身輕飛欲掣何必麟肴與鳳脯何必
金丹與玉屑通靈喚醒亦猶足狀後易可讀兮香可
熱嗚呼爾性如我介慎莫謂我耽饕餮

直中無事日視牧丹覺雨後滋芽喜而有作寄

聖通寬和聖通即鄭弘
儒堤川人

憶昔秋風相別時等鸞期蝶太遲遲空庭此日因輕

雨么葉新心已嫩枝未論千紅歸管顧且看雙翠發
離披居狀更覺花荒作幾番行巡幾首詩

奉同鄭聖通弘儒歸堤川

少日高文獨不羣白頭漁艇小湖雲悠悠後顧都聞
氣誰念完人有鄭君

中林寥絕筆堆床無奈長齋一太常忽地寒梅生意
動天教相遇水曹郎

明朝悵悵越江西別路年芳錦樣妻鴈盡南天吾獨
立幾時千里散歸蹄

立石二絕

山杏斑斑海鷲飛越中春思澹烟霏
悠悠跨馬西川去溪處游鱗幾許肥

鱗瘡鱗摩穀雨天下流漁子逆行船
齊言細網垂來穩白飯將炊素礫邊

有感

東風二十九回春歎息吾生亦苦辛
不信夔龍需黼黻便陪羊馬寄經綸
玄花漠漠簾長霧華髮紛紛鑷
更銀自是天涯難制淚枕痕強半為思親

仙巖歌十章

錦江亭子豁秋空綉菊丹楓在夢中
孤擢南崖更餘

興水雲回望正東風

遲遲匹馬竝輕藍都護先行角
早三天遣驪公竊成一對永興前夕為停驂

蓬山西共鉢山纏玉峙歸程鵬背連
絕頂相逢皆俊物殷勤留遲小桃邊

懸崖步步即平原忽漫東臨湍瀨喧
詰曲巖蹊仍木棧千鷄聲在巨雲村

行松十里遞高低水面平開草色齊
從此窮源不自厭漁郎何事武陵迷

蜻蜓一葉宛中流高笑吟吟失萬愁
還有短簫長笛

好小風吹赤綠陰洲
寥落梨花記舊亭
庵空佛少戶長扃
無邊景物輸誰管
襖靄靄聲聲自釣舡
日晚山光相與長
黃楊翠柏滿船涼
茫茫便恠瑤蟾墜
安得梯雲問月孀
候吏叫時船子催
一篙蕩淺步因來
紫煙側畔躋攀穩
還是江心百尺臺
縹緲朱欄將上幙
西林候火已重重
歸來卻憶經行地
真箇佳入別後容

越中記事三絕

園陵肅肅擁青蒼
太乙鉤陳七十霜
猶有遺民憐舊事
隔林樞紙祭君王
右民祭
禁夢庵中發願場
龍胡消息白雲鄉
祇今薦福殘僧在
清楚疎鐘夜殷床
右僧祝
都護初來歷日良
內衙鈺笛慰悲涼
椽房莫掛梁間帛
一曲羨人還斷腸
右官禳

記禽言

布穀布穀冥冥叫
林木夜短晝永不肯休
北邙南鄰未相促
君不見五年災昨秋
稔一飽終身樂亦足

右布穀鳥

呼鷹呼鷹轟轟响峻嶒月白天清復相命空外恍惚
飛掣鈴君不見烈風至名聲殄強來聒耳無功能

右呼鷹寫

菊枕篇

用洪武正韻十五麻

我病苦頭瘋因之眼有花况茲二十九歲暮日將斜
役役何所謀鞍馬道路賒一身未康濟夢嚙亦悲嗟
去年來東粵九月山菊華迎霜色可愛擁鼻香更佳
醫方已或徵韻事還非恠殷勤課僮指採掇相交加
歸時馱半去觀者笑呀呀燈前少嬌女裝枕為渠爺
清芬久靡歇澄思自無邪寤寐幾衣中提攜又天涯

豈曰舊是捨所懷新孔嘉裁成尺許長入手驚太奢
腦烘得妥帖皮癢免搔爬日永試高倚顛髮任髮髮
重香詐曾妨製造纔少差於焉想陸錢古人忽不遐
高處士弼光行脚訪余于莊寢直中空谷之

喜可知也居六日又將轉向五臺留之不得情
見于辭歸視士謙當亦東望有懷云爾三絕

香城餘興一筇來千里名山越角開應為冕禽叫明
月故人逢處強遲徊

此去中臺漢水源便須西上入青門殷勤舊識如相
挽報道白巖驚曉猿

層峯心事釋迦悲，
回奈天涯交手時。
秋晚雙溪樓上好，
滿山楓錦是前期。

敬次朱子自警韻二絕

不用將身浪自輕，
向來流注為多情。
一朝頓覺收歸易，
戰戰無令失此生。
低迷心眼豈非羞，
孤負初衣道德游。
立地風雷天意在，
回頭三十九年流。

三忠祠

德水捐軀日，宜春罵賊時。
偏裨何爵秩，慷慨實男兒。
一死要無愧，平生未有知。
遺孤在京國，聞道尚啼飢。

鐵鎮柱

高柱崢嶸鐵作衣，
幾年孤出古城圍。
秋鷗不管人間事，
猶自時時繞頂飛。

參禮志感

少小幽期不在名，
祗今奔走若烏情。
朱顏漸向天涯損，
白髮多從馬上生。
香沼芙蓉應晚色，
玉江鴻鴈且新聲。
西風去去庭闈近，
明日兒童一笑迎。

敬同南司成

彥或

贈別之作

欲喚離觴錢已無，
可堪悵指南隅年。
年年春早夜夜征鴻叫，
月孤江海一麾誰薦鸚。
御柳迎 寢園多

病亦轅駒殷勤日雪還容和方信珠藏岸不枯

金君得文挽戊子

冠裳翰墨自西京直到如君會大鳴聞氣未容留一點古心因得償平生棠華側畔山雲澹萱樹前頭海月明最是泉門先契在幾回私淑慕餘清

黃君宗烈追挽四絕

不信君家到骨貧高堂和氣見長春翩翩詞翰曾餘事山郭薰良亦幾人男兒相識有先容謙父情濃說到儂喜子生平端取友雲龍上下不辭從

騷流從古命相仇遺恨春塘去歲秋風雨一場還夢境秣應高叟話同游

天涯幽問越山深南國歸來感舊心聞道庭前雜鶴在可能重舞伯牙琴

贈別外弟金欽甫天若二絕

詩其先祖與翰公所纂江亭邀月好綾被向來青此去撐漁艇因開幾道萍

天地貞元理歸根葉夏青行行不愁思那復一流萍謁林忠愍慶業忠烈祠

明鮮一男子英氣天醉曾難力河清或有時

九原那復作千載但餘悲卻望華陽水東來傷古祠

彈琴臺

北江交捷水翠兀自成臺地為中州捍途因二嶺迴
鳴絃于勒幻折戟壬辰哀懷古平生意經行未欲催

讀洪範皇極內篇三絕

圖書體用自相通要就同中識不同二耦一奇如別
了寧教象數入朦朧

神禹千年說不傳茫茫周範亦殘編如何仲默篇成
日尚欠辭中二數全

蕩蕩平平自叶詩小旻還是出殷師海東亦復流風

在能補圖辭世有誰

寄曲指子

致曲終知能有誠何妨浩氣此中生憑君莫準寒山
指千載秋江月自明

畱贈嚴進士

允中羣從

長愛稽山進士家柳塘春水夕陽花玲瓏禪理誰開
苑汗漫天游自汎槎終古一絲猶有重從他百紙不
須誇南歸且叱金華石明月相思幾度嗟

木溪柳

木溪灘上柳千絲曾見東風嫩綠時自是無情覆昭

張他年更得幾攀枝

舟中有懷藥珠使君

鄧公景淳○藥珠忠州古號

始余過藥珠主人約以歸時更過呼船西下
亦浮在勝事也余今內遷政宜踐言而日炎
身病江水又淺不得不徑取陸路既渡木溪
南望彈琴臺裁三十里悵然賦詩

江天極目藥珠城何限歸人別後情只有高山流水
曲月明相憶在無聲

代呈申通判光履

雲槐濃暗石榴明通判南來竹馬迎良里豐碑看世

烈碧石堂流水較官清絃歌一境吳游化襦袴千家蜀
范名潦倒幸蒙花樹好惠風今古覺多情

比日不勝兢畏詩以識之二絕

出入渾須慎爾儀駸駸不敬此何為一心放去將無
憚努力從今戒外馳
平生活淡是科場一命年來厭鎖韉但將沒身充此
意浩然何處不成剛

戲寄崔監察處翼

天涯俱是未歸身前度今來意轉親自笑迂儒還庫
士誰知老將亦詩人十年白雲元同請九日黃花最

訣強從羣牧浴蔥花

天街無處不成顛纔見垂楊便怯鞭
昭悵東郊日又暮郎君何用更相牽

安止言致宅戚叔出示寓所生辰感懷詩屬和

久矣茲始構成奉別

幼誦吾翁己未詩泮宮高議伏當時
悠悠目下渾休道松桂初心歲暮期

三十年間幾首詩未妨遊戲樂清時
西來冢宰應相許何獨歸尋野老期

離愁如醉不成詩紫閣峯陰雪霽時
一覲文孫猶

聖澤春風珍重隔年期

寄題朴上舍

徽鎮

蒼山精舍用柳上舍

韻

一日堂開南國稀雲在簷端
月在扉警宗舊典從興廢皇極遺經奈是非
靜坐尚堪快地步閒來應復閱天機
誰知只麼蒼山色歲暮心期不許違

記事

上聖方垂拱調元有鉅公
轟雷還十月貫日又長虹地影將羅計
民愁已早蟲安危竟何狀耿耿獨孤衷
奉次父親梅花韻

春寒不禁晚花開憶在庭前繞百回
直到參橫應北

望雲處有璇魁

病中偶步金子三 文 鐸 羅良弼 忠佐 唱酬之作

二律

一枕無端四月凄天涯歸夢鷺千溪誰家燕入細簾
動今雨人稀綠草齊琴絕古音猶獨抱書開新識苦
相攜他時泮水應修志容我啾吟得品題
不奈衾池向夜淒風來聽徹有前溪多年旅舍南山
隔餘事浮名北斗齊賦逼班楊非本相經殘甘石未
曾攜論襟一世惟謙父安得同車取次題

次謝宋上舍學臣 相殷二絕

亭亭一柱肯隨波白髮青袍愧色多詩到相憐便奇
絕滿堂清月為君歌

但教方寸不風波何患人間物誘多聞道山泉餘韻

在同歸且和玉臺歌 吾曾相醉隱上築于縣西道遙

有鳴玉臺每暇日尚
伴高吟轉屣歌一曲

直中為士謙題扇贈別

絃外我洋十六年雲樓蹤跡夏相憐吾翁定問兒消
息為說浮名是妄緣

次宋上舍學臣

長擬清閒奈晚忙江湖歸夢意差強千紅已判嬌無

力孤翠誰憐
不香山轉舫
編猶守靜天
回辰極詎
離方知君一語承
恩早相勉他時鏤在腸

古琴

昨日金樂正用謙文借古琴示余因令樂師
安彭壽作數曲其聲洪濶悠遠可聽也已聞
是李延城時昉家舊寶而後孫今號董庵者
守之腹有刻字曰清兮泠泠靜兮悄悄我味
斯藝而契其心禁而邪思養而冲襟山高水
深無古無今萬曆丙辰德水張維持國甫銘
背有丹書無名氏詩曰桐身成謹甫栗腹朴

監司物與人俱重缺缺缺暗持正氣乾坤在
希音律呂隨松江雷鈔缺千載有餘悲又曰
積雨終南宅新秋蜀繭絲成虧徒念了山水
共和之溪老詞爲曲缺翁譜可師閒情缺玉
寶抱向碧蘿帷軫尾又有丹書曰甲戌閏夏
改粧夫谿谷之銘固足以不朽矧桐栗又出
於成朴二公不尤希世珍哉余於今晚闢北
戶納爽攜琴而立東望掌苑署則成公舊墟
也手植古松得無恙乎西對仁玉山則成公
神主所藏而出也南十里隔江疑塚并可觸

境馳慕又况余曾自 莊陵來子琴既屢修

而裸尾舊裝玳瑁被人剝去乃代以魚皮而

二詩又磨洗不可辨者五六字腹上泥金畫

李登所作而亦隱約難省可憎

朴栗成桐并羨難炎天霜雪尚餘寒誰能為我千金

購歸向道遙月下彈

仲夏之十七瓠泉金丈用謙邀余與元子才童

舉拈韻聯句

苟非會心朋何以消永晝大濟况有風入軒夏兼雲滿

出扞膝上清琴泛盤中綠酒侑歟雅懷開襟抱高論

窮宇宙大濟正喜哦詩闌不須問門扣扞人間塵自遠

境幽屋可傲雙永流行看一氣志業愧三秀大濟老子烟

霞屏文人湖海袖扞月珠蘊誰知天球琢已就雙永禽

鳥語下上卉木陰左右大濟玉井抽蓮花丹砂憶句漏

扞悠悠勿復道前期行且又雙永

玉牒所感秋三絕

江海初心日謬悠百憂雙鬢又高秋三句持被還如

許誰念羈人夜夏愁

吾家十里海門東黃菊紅萸次第叢直到素杭因紫

蠓告身体用許多通

殘書千卷卽弓箕雷教兒曹用有時何事低徊不肯
去白頭南望苦相思

志感

日夕西風至稍稍庭樹落病葉不耐久轉眄陰影薄
而我亦何爲青鬢已白旣未踵伊傳又未學閩洛
經綸詎設施文章尚落落居狀四十一伴會奎章閣
旅遊良自苦愁來不可卻祿仕縱爲親誰哉心我惻
思歸亦不得僂勉坐盤礴時物不勝文幾何且反朴
已矣勿復歎守藏猶可樂

偶書

木落西山出天清一炬傳無風自鴨水不夜度清川
聯絡俄千里昇平已百年卻看星再彗知爾爲誰邊
雲緬聲虛實清蒙理是非僂勞船吉卒無乃陝河圍
莫信金沙梗休輕鐵木微白山南北路終奈彼爲歸
不是知幾早其如慮患深青袍那獻策白髮動盈簪
醉夢他人事歸來特地心家書招我否愁絕漏沉沉
除夜直中獨坐吟寄溫弟

四十年仍一二交流光幾許幻中拋天應不與修青
簡山亦無緣益白茅已判呵呵龍戰野休令咄咄鳥
焚巢詩成此歲猶堪守且待東風入柳梢

伏聞景福宮丁亥親營壇壝碑有 命親臨

邈邈西陵教吾東說亥年鞠衣祈木帝駝馭稅桑田
玄統因徵古金根已倡先千秋景福裏家法在芸編
一鼓鑿輿動顛衣地部郎方墻已華表穹石又文章
鬼斧何山劈風斤此地忙便須成不夜鑿節得無妨

南獻納音或文挽六十韻

雪溜奎章閣孤松韻玉琴悠悠朝晝夕忽忽去來今
豈少先歸福難為獨立吟知公真古貌論世又華簪
苦節沙川遠幽光已卯濠公先兩在當西京華命止
門人曠有與至親殊金蓋
至德趨庭承積慶懸髻見純謀博士專門遂駭流耻

藻淫高蹇因北斗妙譽即南金史例旁兼了詩盟暇
輒尋沿洄游稗海迤邐遍文林珥筆嗟非選攻駒實
不任魚臺俄暫寄星署早平沈觀魚臺在寧海
牧隱所為賦者水竹
鷹峯脚烟霞鳳岫陰等閒乘鮪馬聊且共姜衾政爾
鄉居樂翻狀駟 召音司存稍磐陸量入余甑針夙
玩觀生象長懷敬口箴芹宮猶可隱柏府忍終瘖片
言絲綸寵通衢咫尺嶽褫鞶從自効拂袖倩誰禁棠
棣將供對風埃肯許侵野寬錐未卓山近突稀黔考
寢神應誘首丘衆所欽行纔卻烏杖歸得聽秋砧直
是殘齡快胡寧一病涔流川旋渺渺急景已駸駸寥

落傳家硯悲涼露肘矜鳳雛先漆嵌金季兀寒露髮

赫曾週甲庀猩竟胆上國典侍從七十賜緹使及壬辰則其期也天憎緣

有目地受解多心鳥卜何山叶龍躔析木臨沾恩

還賙賻經抱盡瑤琳周氏牛眠麓陶廬客化禽他時

牀滿笏幾掬枕成霖吳縣元鄰楚辰星曩隔參一傾

隱齋蓋因整坐隅襟末契懲甘蜜疎才記組紉同

朝轉送喜逐臭在垂歆佳句莊陵路餘緣泮水潯

辯從規外闊理自畫前森論禮原玄酒談詩慶野岑

精純歸洛建僻奧討斟鄩咀嚙宮商角形容鼎釜齏

掌中句股矩眼下職方璞大脈衡分岱餘流沔別滯

幘麗仍弁駕欄橦及梅棹漠漠時治亂紛紛義躍落

會須期爛熳初不厭嵯嶮鬼惡違諧石仙忙失醉蓂

道經憐共轂法帖帳來檣謁誌空留混揮毫孰和岑

三蟲知可罵五賊惜難擒鉅澤方恆霧高山遂苦靈

鴈歸梅慘愴馬去嶺崎嶇哀疏情徒在漬綿手未斟

那堪籠裏鶴渾似帙間蟬局縮愁眠耿低回愧汗淋

成桑都幻海衝斗定神鐔乍夢疑搖鐸長號待降鴛

惟應別時月泉路夏惜惜

垂思廟齋所有吟并後序

廟貌新仍久香來一路清非烟東里氣如海北宸

情得歲箕先兆重輪月繼明願言天祚篤朝野永昇平

甲申 廟自北部移建賤臣嘗一至都監觀焉雙湖趙令取為言此地舊止瓜畦東里耆老齊言凡民居之輒不寧相傳有玉氣今果狀矣近年 聖上命號垂恩乙卯春木星在箕分是日得歲歲者福德也壬午秋有月暈五重重各一色所謂重輪之祥我 王世孫邸下復冊實在是時其日干支又壬申天意豈偶狀哉

代輓權上舍

世熙 一律 為古 君九重作

落落青霞子人間採藥詩橫枝看獨秀福地與相宜
舊業仍司馬遐齡亦鬪龜未須愁適去流慶在家兒
十月寒山迴西風颯送歸叢殘細菊砌蕪沒綠苔磯
世好驚成幻姻親惜有違那堪劫來路霜葉夏飛飛

夏日齋居雜詠

綠樹陰濃繁榻涼客歸終日卧羲皇等閒憶得童年
事不信如今四十強
千里隨身太極圖興來拈讀亦堪娛通書取次西銘
了一貫分明驗萬殊

長愛西洋渾蓋通天機未許出規中有形自有無形
在不獨尋常繪塑工

不分笙匏佐鼓聲抽青媿白可憐生如何十八英雄
氣只學齊梁儷語成

鏡歌鼓吹豈三詩猶是元聲未敬時直到隋唐生曲
子啾啾魔外幾分支

場中記事

徐文清公志
時判中樞主

清名今世判中樞袍帶蕭然一澤癯咫尺纔能隨眾
觀始知司馬亦寒儒

趙令將游楓嶽馬上索詩敬呈三絕請教

碧海芙蓉萬二千生憎此地屬金仙行行可記范翁
語灑氣清流一洗前

風流不博白雲司正是中秋月有期玉宇夜深寒意
重也應西望苦相思

吾翁十載有知音珍重門墻歲暮心從古愛山如愛
士願將佳境著虛襟

扈

駕慕華館記事三絕

吾王孝悌軼唐虞粉的鈿丸武略俱只為賜峯酬
勞意如雲軍吏直傾都

鸞峯在
陵坡子內

髯笠晶纓白虎鬚鴉青帖裏劍抽蒲捎空夏倚金鞭

類齊詩

卷之三

詩

四十一

末垂柳陰陰勒健駒
柳雅韓詩苦未摸誰令憔悴別江湖願將甘露為天
酒祈壽長憑北斗斟

改寫座右銘

疾病猶須慎樞機敢失防時時公暇讀終始念高堂

鸚鵡二絕

鸚鵡東來隴樹遙雕籠彩翮為誰嬌不如且喚朝陽
鳳看取雙雙舞大韶
何時駁骨購幽燕紅稻秋香只等捐尚記三峯悽愴
日張星六點誤連天

答安正言戚叔致宅書

獨鹿風蓬弱孤高雪柏危滿城誰可意在野獨相思
黃竹驚心日紅雲奉教時書還仍寵辱應誦渭陽
詩

病枕獨成五絕

江南人去又秋風桑柘陰陰客夢中一札今朝坐愁
絕月明遙待度關鴻
車塵馬足日東西桃李千門曲曲誰念枯蟬因病
葉露涼終夕不成嘶
先生吟病已多時何苦高談艾子辭自是年來非絕

物將身轉擬入希夷
折中新纂滿洲家朱義源流濬發多究竟不須譏數
理物生成象奈滋何
誰說吾東傑士無安機金易不曾徒鬼鬼隻眼應千
載豈獨伊來有政書

李上舍保一衡詰挽三律

有學文能變務觀詩更奇皇天不愛寶嗟子乃非時
落落青雲器脩脩白鶴姿居狀前進士千古岷山碑
龍戰將周卦萍逢自泮宮眉端滄海士頂上百淵翁
飛動宜晴雪牽連怯曉鐘梅花與月影今歲詠誰同

雲巔單單隔風旌子子遙崇評一木晦古意幾時朝
星送孤鈴泣天驚落鴈嘹江湖猶綠字叵奈洛東蕭

和寄許上舍橋四律

未識金壇老先知玉斧郎黃緣卽真際清絕又新章
氣色琴灘迴風流錦水長向來飛動意遙和可相望
卯橋元勝午箕塚舊辭堯歷歷閒忙對悠悠損益招
三杯能酒足一子任棋饒明月歸舟上何愁熟路遙
松下甥兒重林南從氏賢祗今辰已夢終古鷓鴣篇
窮鬼同歸地冤虹直射天越山猶縹緲悲調賴誰傳
後生還白髮不去且紅塵自愧無雙譽初非謫八身

濫容東郭吹醜効西家嘖一雨秋應霽逢場是勝因
再和許上舍

筆花看雪之餘清圓鏡相逢月在庚三鼓竭時方退
舍千句壓處敢爭衡風霜不盡黃金淚天地無端紫
水纓莫犯玄家容易道年來庖昊漸論情

嚶嚶金文

用謙

病寓無俗軒辱書朮詩

崖間鐵笛為誰轟天地無人識此聲卻是多情行未
得白頭長愧侍童清

秋懷

南楹南國客日日坐斜陽雨過莓苔徑霜侵薜荔墻

書長鴻度遠夢短蝶飛忙隱隱麟峯下垣篋且一場

庚寅九月十五日賤臣將副 御牒奉安使行

赴赤裳山城乃八月二十八日辛丑直 奎章

閣前期發關沿路各道是夕既昏觀象監 啓

有流星出奎宿下入南方天際狀如拳尾長三

四尺許色赤賤臣嘗稽史志奎宿天之文章圖

書府也流星天使也今 國朝 御牒并 列

聖誌狀 王妃再譜自本閣且藏于名山而使

若副寶奉 命其為文章圖書孰大焉即使事

亦已不輕矧方且南行乎高麗伍文孚言星象

不關外國顧以近事徵之 宣祖朝歲守箕尾
而倭寇退光海時日會奎宿而人謂專天輅灰
其應也此則過矣 仁祖朝填犯太微上相而
申文貞公卒 肅宗朝奎有隕星而宋文正公
受後 命文字不亦証哉事若不偶詩以志之
庶太平休運上動星象者終為太史所採云爾
百世 奎章閣千年 玉牒書山當南斗遠槎動白
河虛霜氣開天路星光引使車應知今孟節雲際為
占余

伏聞九月七日

聖上臨筵

下教有曰申景

濟幸而遇予得展其才黃胤錫獨未遇予則他
日其誰用者是時一舊僚以兼史入侍實獲仰
聆 天語退語宋友仲建以為 聖意益惜其
不第耳賤臣胤錫因竊自念世祿遙胄不食已
久徒以先世文獻之傳偶被諸公剪拂白衣七
品官已幸矣昨年七夕製居魁旋坐字誤退置
第二雖未列於直赴而登 筵之日 聖教至
及臣父今年五月以輪對官不意遽承編輯備
考 下詢之命而大臣名宰過加推薦卒又致
臣父承 褒以至勤政舊基 特召而益復榮

矣乃今閱五湖尚蒙 淵衷記有眷眷於遇不
遇臣誠不勝感泣謹以一絕識之

半世江南一布衣那知名姓徹彤闈孤忠自有酬
恩日慚愧狂言與願違

和李上舍幼平定鉉惠詩

紛白黃宗正孤青李上庠風塵相識晚天地一言長
變理應詩卷猷烏且酒觴知君真愛我三過轉容狂
李上舍幼平定鉉詩贈余行走和

一騎明朝發漢陽赤城霞氣迴侵鴈山雷權楔丹爐
秘天護圖書寶閣藏此去猶殘楓淡淡同遊叵奈月

茫茫風江日極相思苦珍重前期且報章

燭下獨寫

錦江南畔碧雲凝斜日纖歌直幾綾堪笑塵埃黃奉
使年來風味淡如僧

不二村

百世清風治隱碑後來何事子雲疑滄洲大字天先
備雷待行人下馬時

過召爾灘磧路甚危始入茂朱界

柯院東行白雨紛天將線路磧邊分繡旌倒漾澄江
水銅角吹開絕峽雲朝服仙郎是從事戎裝光妓亦

張軍山岷曲曲看休盛子文霞標日未曛

裳城記事

信宿雲霞表仙緣覺未灰百年護國寺千仞按廉臺
石室奎躔並廬山雪色開風流三印會他日更誰來

赤城東館留別黃福源

赤城霞氣政朝暉十月寒生使者衣終古風樓翠樓
畔離歌不管阮郎歸府有寒風
把翠二樓

頤齋遺藁卷之三

頤齋遺藁卷之四

詩

拜朱子影堂

一派朱溪水千秋朱子祠華翁鞭未著天意像猶遺
盼蠻雷蘋藻依倚入武夷寒風六大字此去更增思

今茂朱府古朱溪縣治也南川曰朱溪溪南即影堂
所在舊府使蔡彭胤初建夫以尤翁萊蛛之愛未暇
為此豈天有待於後日歟溪北寒風樓上又有朱子
書赤城仙吏之居六六字蓋亦集刻而本衙標上視
民如傷四小字
又在焉並及之

喚仙樓

喚仙樓對降仙臺臺廢樓存江自回一雨微微鳳山

頤齋遺藁

卷之四

詩

一

頂平林漠漠虎灘隈風光不逐文壺去聲跡猶傳岳
澤來半日仙游吾亦得可堪若老九原哀金公時侃號若泉
沃州留贈紫月亦慕齋和上林春詩帖自寄之
意也

曾隨王母獻仙桃 龍翟煌煌 玉殿高一曲千金
還是夢鏡中青鬢欲蕭騷

余奉使衣裳竣事北上過西原輝錫聞來惠狀
一宵聯枕何幸如之既別卻寄一絕
雙旌北去路漫漫明月孤城此夜寒賴有平生情話
悅一聲銅角曉星殘

在裳城日臨陂李使君滑得其先祖澤翁板上
韻示余臨別又步以爲贈約歸縣錄寄京邸其
同年同游之好可知也茲輒追次以須并後序
白首初傾蓋風流十日長城霞吹桂醕船月動霓裳
卽此同聲好如何別思忙江湖春有鴈書札遲來翔
庚寅九月交陪玉牒赴赤裳行至皇華亭
邂逅臨瀛丈始叙同年古誼爲幸已不淺矧
一句奉誨可見先文靖先生風韻若朱川樓
觀之娛霞城雲雪之觀豈非缺畧希遇而所
步先詩爲惠尤大復 命以來未嘗不來往

于懷也茲蒙錄寄整本輒出巾行舊和附書
尾以獻一粲甚榮

奎章直中送別宋兵部仲建益中南觀

華髮相看萬念微幾年塵土點朝衣天涯草綠還愁
思又送游人匹馬歸

夜來安不果已策馬出洋邪弟有兄畱尚以
時時鎖直為歎矧今闊焉南北此情當復如
何羈旅聚散固知不常而一鞭歸省深有羨
於兄也豈獨分手云乎行經光霽亭溪上試
訪五柳邨盧彥晦氏叙此亦幸來期不可卜

尤悵朕也縱令弟秋間南觀未易合并只祝
行李慎旃

代吳上舍孟明文光源送族弟公輔鼎源覺化

太白山寺有曝史兼安御製之行

昭代春秋太白前三年一曬古來傳奎章又遣雲韶
導官路因將駟騎翩此役家風堪趾美幾人塵土望
如仙歸時滿袖山南作為我來吟泮水邊

崇政殿入侍時記事二絕

四月五日 上親臨崇政殿東月臺觀 宗
廟夏享肄儀畢引見捧俎官賤臣胤錫隨衆

序進各 詢職銜姓名 教賤臣曰爾是曾
與申景濬同時入侍人謂多才者乎賤臣惶
感不及對知經筵徐命膺啓曰是也固博識
之士也既退諸臣傳聞歎曰入侍動如許雖
屢度何妨賤臣自己丑七月以來猥蒙 恩
褒不一二雖於 聖上春秋鼎盛時得此已
覺曠絕矧今 八旬萬機乃為淵衷所記有
不益榮哉茲輒詩以識之
一簇紅雲捧日開都宮禮樂大庭來即知 聖孝無
窮慕親肆從今又幾回

名達 天聰幸有年姓黃珍重玉音傳多才豈是微
臣事聞道朝端不乏賢

次崔孤雲紅流洞石刻詩韻并小序

余舊誦孤雲此詩知有石刻蓋近世金谷雲
壽增以之名亭其有感于噫孤雲既自唐東
還重值喬營之亂挈家人伽椰以終未知當
時有何是非世遠史佚殊可恨也抑其為麗
朝通書不識者豈殆視女主治亂不趨秦越
而顧有意於佐命王氏歟此尚論者所宜致
憾則百世之是非庸不可畏也哉余固以是

病之適從金正言聖範致九得榻本因愛其
為尤翁書也張之壁間亦念日下聒聒多可
厭者聊試步之

康莊何地不層巒杯酒居狀豔瀕間但使百年龔自
好如君多事水籠山

卽事

海外瓊崖七十程黑山今日若爲情到時脚下波千
里冥漠神交有禪明

代簡戲上雲洪漫追玉柳君弼兩學士三絕并
得書要完破柰非本寺事何學士之稱今

俗以弘文而朱子於劉清之主簿已呼學士
此見重文學之意吾從朱

十九無多路曾名木野狐如何長日裏不復悟河圖
象山觀基曰
此河圖數也

玉牒非工部官寒亦乏錢昨書珍重意只此可饒先
局破誰能補基殘不用收芻觀真國手人世一風漚
李彝天默不向已有月今日邀會爲誦近作因
繼以新韻因成小軸亦斯世勝事也

此世猶吾輩相看白髮何文章無用汝經濟已輸他
只爲同車好還能匹馬過東湖流不盡早早得餘波

夢中作癸巳

目以心而視耳以心而聽如何一箇心能使耳目靈

李僉樞文

苗挽二律甲午○用洪武韻

吳城東出月橋平雙竹風傳四李清烏闕尚孤鄉里
議惺祀差慰子孫情純金古曠誰知寶靈壽長春帝
與齡早晚湖南應續志看他孝友表歸旌

先子潛光晚隱齋白頭襟袍向公開慣看已喜從隅
坐少別初非為倘來一札丁藤聊寄意三年柏樹早
傷懷蓬山物色猶家集此去精靈想與偕

寄同金皞如

邦皞感慕齋韻軫宿中一星各長沙漢長沙郡其分

野也金君所居邑名偶同故引之其先英憲公之俗麗朝聞人居清道

梅天西望軫中墟英憲遺雲幾翠裾丙舍祗今還肯
構金羸從此卻全疎百年永慕存霜露千卷初心戒
獲畚隔水盈盈吾且老君來山日覺偏舒

奉和李士平

文衡二律

溟竹家聲高插霄襟衫又得晚堂髻璿魁小雨三加
夕金馬和風六禮朝樂水樂山心固有佳兒佳婦惠
因邀向來宿戒慚孤負榛筭他時敢待招筭平上二聲通
鄉里姑姨已百年祗今疎屬尚蟬聯無端守藏 奎
章日未暇尋真蓬海天一夢餘生攀柏淚多情先序

載塵編秋風獨速漁簑舞驟背相看更悵朕

奉題族兄鎮綱鳳里新居并後序

先祖幽貞懿吾兄繼述兼地畱鰲叟秘天送海山尖
此去家聲壯從來野性恬松楸霜露節相勉慰人瞻
蓋我五代祖考篤行能詩累舉不中終以忠
義聞其在昏朝渾室依楸以萬曆乙卯邀鰲
山村主簿尚義卜新居于此既未克成而乃
吾賢兄以我先子之勸始克營築故畱詩志
之

和宋君復沙津八詠

依依空翠為誰滋側展橫張遠更奇悵悵夜來風雨

過人間起滅詎多時蓬山翠嵐

敗葦衰蘋一港長海天霏拂欲秋光恠來十里猩猩

毯備有鮮紅迴得霜極浦紅蓼

風潮多意罨苦迴何郡我編落照來咫尺金壇應玉

斧月明禊霽與徘徊華嶼歸颿
方言苦即小島

也編上平二聲嶼名華

雪後春聲已白鷗相忘無日不相畱社中一約超朕

處答鳳何煩過十洲沙汀泛鷗

洛北吳西岸岸家水風烟抹任橫斜樵歸客舸薪多

少纔趁昏鴉又曙霞

江邨炊烟

松潘魚膏直破昏浮家身世亦多喧誰憐簪簪餘光

外白首新詩耿掩門

漁舟夜火

未須辛苦作陶猗天餉琅玕養幾時不到柯亭音已

足笛中應與伯喈期

北園疎篁

霜欺雪壓自初童直至昂霄意不窮早晚宏材歸大

厦門前木道漢山通

南臯老松

又和舟過仙浦感吟

颿風何日過熊淵詩到雲莊更悵狀五輩舊樓山寂

寂先人遺躅月娟娟應苔四姓天邊石未雨三農閣

下泉孤露詎忘堂構志感君隨處不相捐

將赴羨上大祥憫雨二絕

北學初心已謬悠六年永養夏多羞餘生此世誰知

者天際頑雲莽自浮

一行空失暮春初湖海年荒計亦疎至竟瓦山鷄絮

日祗應江月助連如

道心坪哭丈席墓邂逅胤長履安舟下羨江有

吟

江漢秋陽好扁舟宿草餘先生今已矣此道竟何如

一世君民志千年杖履墟春妍那復忍歸去有殘書

東齋集

卷之四

詩

八

橋門

橋門一雨浪淘沙人世推遷奈若何只有西來潮信
在朝朝長向廣津過

伯溪城主

誤

瀋頃索詩語益為逍遙詩序責報

也顧行忙未能今茲再過聊爾留題精舍三絕

天中西畔拾遺居三桂遙懷六帙書自是朱黃箋不
暇幾回閒掛種花鋤

英才從古應期生休恠逢場肝膽傾見說 銅闈方

側席清風誰徹九臯聲

江南薤水滌襟樓東里孤兒已白頭萬事祇今徒有

淚不堪歸袂

丙亥颺颺伯溪稱我先
子為東里公

愁歌院

濟王方盛麗王愁蝸角風塵百戰秋直到摧來愁始
歇毬庭南望亦歡州

忘言

自先齋外付吾兒除卻忘言摠不知尚恠聖凡心本
異還愁人物性元歧江湖慷慨今非古日月憑依爾
是誰至竟斯民斯道禱天無路獨謠時

孫老鳳翮挽三律

乙巳忠賢宅吾南五氏纔鶴城猶盛羽 西珠浦已孤

胎游霜落眉山柳巖花空錦水梅湖天高不可問今
日重徘徊

瀛閣詞宗遠蘭臺史裕餘威遲因幾世勇變自中塗
頂上葩溪禮床前粟谷書元來心貌古可惜尼公車
先子潛光日同庚晚契時求詩表名祖好問及癡兒
一慟俄過駟長歌又送輻他年楚賢傳修續竟歸誰

留題金士謙益休聽水樓二絕

麥秋天氣小樓涼山雨留人又夕陽卻憶東簾雲吉
色瑤琴千古恐微茫

海外誰憐絕代姿風流早有湛翁知孫枝亦自紅千

葉莫逐春妝競入時

赴會長淵志感并序

余為本倅曹侯信長沙倅李克生牟陽倅金
就大赴邀長淵打魚之會行至鰲山邊生相
輝家將宿念昔戊寅先子與本倅閔令鑄及
泰仁倅杜湖趙令暇實同此會至作畫障分
藏三家而先子又有七律今先後并成陳跡
則不肖感慕之心當如何哉謹次遺韻以示

兒輩

西來驟背淚難收江海流光幾度秋懸榻當時我先

子同舟此地兩賢及圖成鴨月遙相照緣盡壺雲茶
自浮東養舊情那忍說不堪悵悵更回頭

全美伯 邦彦 挽四絕

文靖家聲萬子孫如君八葉亦空君平生不要時粧
媚誰念青裙老更芬

先詩曾道紫陽真千古淵源海外親封事一編仍在
手巷南知有質疑辰

堂構因將好禮能盈盈春酒為翁稱王昆金季無窮
樂長對龜山只麼青

鸞鷲三回降瑞時梅翁宅相已傳奇難忘最是東牀

客四世屯邨不盡悲

十二月十五日立春

忽忽窮年感東風又一春賜幡非我輩修爵豈他人
句 聖算天延紀慈顏日駐輪但令隨境適差足慰洪

李士平 文衡 挽三絕

逍遙西望海天寬隱約茅洲漱澗間不信浮家來往
路黑風俄送絳旌還

君在江山相發揮月中高詠倚明徵元貞一理仍仁
智天地悠悠樂此稀

少日名場撥卻回全家道氣一庭梅亭阜小築猶餘
恨襖靄聲聲意未裁

金君顯禹挽三絕

龍鳳星雲四子爺千年威烈古名家誰憐一片天成
璞不遇陵陽竟委沙

春秋一理步形殊心眼雙明此世無思信自來先繪
事幾回聲譽動鄉榆

孤筇匹馬白巖山遺恨餘生鬢已斑遙想仙機雲錦
就七襄分與萬孫看

答高通甫

漢聖

秦運五鼎又一初雲蒸龍變日華舒青宮始隗還今
世幾箇英賢奮草廬

歷拜尤庵先生真影志感

井小識

東表杜胡子南州白水翁吾爺亦為政多士此承風
一代知斯盛遺祠得夏崇滄桑今日淚可但憶雙桐

昔戊寅杜湖趙公暇白水楊公應暨先子晚

隱老人與一路士林創設講會於斯甚盛事
也今講規尚在壁間而三賢已皆卽世吾爺

手植青桐二本在廟庭者未知誰人伐去慟
哉謹書一律以志慕

李君伯勳挽三絕

白頭浮世我何堪
飄忽如君五十三
不信天潢存貴氣
公狀埋沒免湖南
傳家詩禮已芳齡
柳下餘風吹夏清
相愛當時亦先子
只今造夢想端貞
聞說行窩玉社鄰
千株嫩菊一鋤春
重陽未到翁先逝
泣盡冠童定幾巡

金君文豹挽三絕

先朝五十二年中
吳下將迎自少童
一慟雲鄉行且病
不堪遙挽鯉魚風

詩場高韻憶登壇
誰向天風送羽翰
珍重吾翁曾獨賞
祗今清氣想眉端

萬念秋原歸自念
西京家世尚二郎
平生淡水能憐否
早晚門前客鶴翔

春符

乾坤春一炁
四十九齡今北極
新裘晃南鄉
舊履簪斷絃
浮世夢弄雀
尚兒心小酉
名孫願重期
六藝林

胡巖安公致宅挽十二絕韻用四聲通解丁酉

文惠家聲古
竹州憶曾驅馬過
城頭江山毓秀仍南國
乙乙神鸞與瑞芻

陽軒歌誦說蒙齋名德如公有自階已識先庭遺範
在向來微獨逸羣才

伯公爲蒼嫂爲孃天地如忘怙恃亾至竟昌黎摹制
義不關評泊有鄧張

螢月吾伊十載餘上庠花燭卜高閭小天咫尺華陽
洞重閱巴翁去後書

美竹猶須括羽加泉門追逐喜無差終狀獻賦蓬萊
日一部春秋 聖獎華

花鞦韆旭素王宮不貸兇徒拜跪同高議斗南能幾
箇柢今牙頰凜餘風

便養初心駟館清芙蓉十里日游凭星辰步武俄仙
吏平地銀臺玉漏聲

新法東方亦半山驚人大對獨輸丹何妨直舌因招
愠先見明明日月般

承休高灣鬱麗誰黃堂西頰太初潮尋常關節誰容
到孤燭澄心試院宵

三朝髣髴 錫緋 恩儒雅風流望夏尊已得默翁
袞忱慨忠祠頑石竟誰文

撫頂恩深沒齒銜小林飛譽實多慚西風少別還千
古長記青釭紫閣談

德皇南極奈凶占迎旒春山點點尖早晚先生鄉祭
社差堪持慰二郎苦

行過高敞校村追慕庚申年陪先子赴試時事
有感是曉適又夢拜

一溪南度小城幽巫峽重峯未上頭三十八年浮世
事不堪清淚夢回流

次李白潯陽紫極宮感秋詩并小序

自白有此作而蘓長公步之蓋皆四十九歲
余既早年慕古白首無成偶茲秋夜百感交
集屈指馬牛齒適符古人輒繼聲以志其慨

我懷千古人其蹤在素竹冥茫不可追有時涕一掬
居狀四十九俯仰誰與獨流光忽又秋政此虛齋宿
行藏分已定脩短理難卜夷庚尚可由頻復恐迷復
中心諒自操天壤詎翻覆惟應抽叟添久久金丹熟

題方壺子張奉書族

日午花光醉裡奴乘暖嬉巖間已堪憑俯視亦何爲
下有一翁鷄二姬將八兒姬駭警其翁相命聲正悲
兒稚競蟲蟻一飽迷禡機我欲呼嘽嘽奈爾終無知
無知不足道更爲狸奴危勿謂巖磴背無復虎來窺
呀呀還一笑病枕寒因敲古云朱翁者善養鷄故呼
朱朱則鷄至或云祝翁善

卷鷄欲呼祝祝今按朱祝并羽字之轉音耳字
見龍龕手鑑音州祝朱三音呼鷄聲亦作州

偶留大秋有日與宋光五日昆季叔侄李大元

難曾汝謙相度同臨俛仰亭上轉謁宋公墓下口

占一律以備士林故事

寤寐名亭子先生己乙年青山開大野白水平川

爽氣箕皇殿清颺宰樹傳如何舉與夕吾不踵羣賢

萬曆己卯倪老復值文科同榜之歲松江霽峯白湖
與守令百餘人來與宴席夜淡松江倡論為倪老舉
益與奉歸溫室
古今說為盛事

步贈李生煤序。并

舊聞佳山李氏世篤文行充以敦睦補余心

艷之久矣德厚甫不鄙過訪於大棗客次敬

誦先王考菊軒公休時五絕韻索和甚勤將行

走筆一笑

菊老曾留譜桐孫尚克家晚香能自保不愧理遺歌

灌燭寺

宏傑高麗佛荒涼百濟墟何功鎮地德末劫火僧居

野飯猶時到淫祠幾日虛遙懷月臺上經國計曾疎

沙橋吟

春風亦作雪窮我連山路將行不得行千尋瞥已暮

店主閱我衰相邀入煖室婢魚與海衣飯飽寒燕失

呼兒理笠纓喚僮抹驪馬喏喏背燈問官人何自者
我云居興德姓黃官太僕田間八年許再此蒙收錄
專城豈無願離母固不忍吾母七十九教我行期趁
君臣義至大腹育恩或輕况爾雷弟兒無以我繫情
出門強登塗步步猶顧戀吾年恰五十懷弱淚仍漣
初行二十里再行三十里又行百數十四日纔到此
此去復幾日方得入都中都中百萬家誰為我先容
本寺誠不薄未是司訟科作宰尚有碍養親其能那
不如從此歸仍舊手鋤犁間間而泄泄無愧笠簷題
若幸賴天靈菽水還堪資年豐惟所企位顯安用為

吾言姑止是子試訓一一今宵未苦短主客懷可畢
店主對姓崔自少隄于連名不隸軍籍利稍收客錢
東西南北間孰非吾所聊有婦厨能炊有子山能樵
老母尚勤紡不信八十四安眠又甘食孫曾弄次第
而我五十二在側無憂患將此較官人勞逸大相遠
雖朕我賤微揆分或已泰官人乃士夫晚受當 熙
代上可承吾 王下可臨吾民讀書須有用揚名方
顯親豈比間巷輩力作為孝職時予不可孤行矣勿
自畫勉旃復勉旃請為公側聽其言亦有理奈此無
才命無才我甘退無命世看醜多謝向店主客去時

思否天明卻相別默默行且慙寄聲周太師倘採沙

橋吟余嘗購潭陽大竹笠以資監農所用而題其簷內曰西都夫須之象南朝申柄之制吾將憂江

湖而樂賦畝兮矢百年間間而泄泄云故二十二年及之

宿成歡驛有懷士謙休益己丑同行

先朝四十五年春先子先師德有鄰三一如今無處

所白頭相憶只同人

為金佐郎子三文鐸步李奉朝賀最手畫壁

上韻四律

披石何年代亭亭骨聳天簾明玉泉倒鬣老翠杉懸

霆霹誰開闔烟霜自後前惟應孤峭意未許筆端傳

從來小天境不是離塵間烟艇幾時活蕉亭特地閒

試分清濁水先認淺深山槃礴無窮韻日斜人亦還

隱約東西崦抱邨仍一溪雨催驟背織雲引石間梯

天脫何方客地容終古棲絲灰須有術囊藥可雙提

絕壑誰憐汝垂龍自作文有材違大厦多意向三雲

鬱律柯因古鬪鬚葉夏紛夜來霜沁壁虛籟詎堪聞

夢拜先子志慕

幼誦寒花寂歷詩上梅新挑紫陽悲天公幾日成兒

顧白首東華愧受羈

大報壇差祭

拱北門開又列泉宮城西迤大明天慙慙 聖祖朝
宗意一綫微陽保幾年

華陽南望萬東祠元老春秋義起時至竟 朝家求

野禮長教箕域揭民彝

弱國傷心詎可論畏天皮幣尚頻繁春來北喝還羞

辱欲訥 皇靈未敢言前月北谷至以我國文字有儲君嗣位語有嘖言方遣別

謝使權

寒食 健元陵差祭世傳 陵頂茨土移自成興即 太祖遺教也或轉

種之他便不活可異

珠丘雨露幾回新天路真游不可親惟有多情舊茨

土綠芽長保沛中春

健元陵祭訖復路回望 先王元陵志感

龍鬚清淚忽三年未死遺臣鬢已宣隱隱歸時松柏

路猶懷 勤政特登筵

過忘憂峴見山阿上塚者有懷先楸

紅纓白馬四僮隨寒食 東陵贊祀歸爭似江南一

驟背松楸清酌弟將兒司僕寺官出人例乘天厰馬紅纓者

漫步任會一李時晦酬唱之作二律

讀書先訓又明農誰遣清波起老龍乍閱天閑絡月

馬旋聆東部遞風鐘坐憎綺陌垂垂柳必戀冰崖落

落松還有靜來觀物處橫時嶺是側時峯
心期從少學尤農鱗族同歸有應龍身外聲名一弊
展眼前形役幾晨鐘已知燕石欺荆玉無奈山苗蔭
礪松至竟江湖清隱計逍遙社裏最高峯

弼雲臺春望三絕

巡城公會屬春闈剪剪東風尚作寒萬紫千紅因勒
禁弼雲高處帳盤桓
鼇老英才贊中興晚來名節衆難能臺前劍舄應遺
跡良史何人舊宅徵

石柱離離慶會樓龍池一面宛中洲風雲盛際嗟今

遠辰已餘悲幾日休

奉同金子顯文鐸老兄南宮直中近體相思曲

卻呈二律

春寒淅淅直廬深天地蕭條獨古心况愛何論皮外
在明師應向卷中尋木闕鏡報緣愁髮且管鐘傳發
省音卽此相求復相對元來松桂自同林

羈愁已是日分淡誰識游人戀母心花縣奉輿真可
願榮門如海亦難尋西山日短錢占夢北嶽天長鴈
阻音知子向來同此意試教公誦及環林方住洋村故用環林

付家書有感

江南遙想雜花開
轉盡羣鸞日幾回
一雨京華春亦謝
不堪愁絕望鄉臺

聞清主將以七月東游瀋陽
本國議差使价

起居四絕

開運山連隆業山
崇家陵墓說東關
白年天眷知何故
遺帳秋風木葉間

雲貫盤游秦漢無
猶狀萬騎出臨渝
應懷三桂開門

日高笑

明朝之壯夫

山海關古臨渝縣

松杏逶迤寧錦城
石牌羞事祖家名
如何東國三千手
卻遣宛丸助爾清

中國他時義主誰
日低陰長恐難期
書生一夢還癡

安空記全遼蹴踏時

大谷子易學圖解有云太陽最

而低故漠北陰氣漸長而夷狄漸盛余十年前夢助中華真主塵清于遼野可笑也已

黃紬巾并小序

余自丙戌以後
旅宦患頭瘋眼眇
慈氏閱之手裁
小紬巾藥染者以
遣日聞醫家用是
拭眼良故也小子
恒袖之不敢失墜
甲午外除旋復在
手沆今茲以為珍
乃四月初三曉前
以差夏享赴政府
受誓戒歸而覓之
不得蓋天黑不克
檢其佚諸何處未
暇詳耳噫豈一

小物也出自慈手如奉六百里慈容而遽爾
至此亦小子不孝之一端詩以自訟

慈母手中紉游子袖中如黃染已幾年愛若千金珍
時時一拂拭宛宛慈容真白首困旅食賴此忘酸辛
居狀跬步間失墜同埃塵嗟咄竟日夕罪在忘吾親
忘親乃如許俯仰斯何人平居闕操心觸境違敬身
心身既不省物亦因之淪惜哉將何及擬請夏以新
於焉並加策庶幾當書紳晞曾亦曾徒勉旃歸全辰

漫步金子三 文鐸所和李台 最中 三溪洞幽居

本彰義韻
門外

行松一徑白雲中天氣初暄鹿養茸幾處郊莊鎖空
宅卻看巖戶有高蹤郎星卿月從他遠琴士碁朋以
次逢說與人間休望起年來龍蟄海重重

寄吳伯深 潘根後改
正根云

斗大清安縣胡爲老壯元黃楊當閨退綠桂到秋鮮
快刃無妨睡摘華不足言惟應朱氏學新疏幾多編
歎息箕墟窄伶仃奈晚生古心無處托交誼待君成
不分蕭蕭髮相思落落星天長雁南北能許慰流萍

涵仁亭追慕 先朝已卯引見時事

烏幘藍欄進士班少年曾此覲 威顏重來不那去聲

真游遠暗淚螭坳隱隱班

寄任會一長源求和并

直中日永如年重患左曉黝赤之暇無以閱
書卷只簾窗塞兌而已昨者騎邀既不得請
今復走筆要和母或見非不

莫嫌左部冷猶勝二橋幽宮樹瞻蒼翠池鱗捉泳游
北山清訟案南獄惹吟喉鼉海餘閒未一來蕩萬愁
陪祀 景慕宮遇雨歸視寓次芍藥已大敗
一徑無媒翻藥階客中猶喜對妍腮居欣擺倒甘霖
後方信浮華轉眄纔

曉雨志感五絕

凄清雲物月西飛
萱樹遙懷夢境歸
不憤民溝寒雨
響教人驚攬木綿衣

書讀農明訓自先吾兒消息說堪憐
傳來六藝復勤得誰意豐年獨旱天

女家男室未完時辛苦風埃卻受羈
腸斷柏厓仍宿莽重泉一念竟何知

弱妻多病小兒單吾弟衰齡亦太艱
目下飢窮兼姊妹相思無處不憂端

秋娘二十日生東如爾韶華奈老儂
臘盡春回纔數

面祗應羞澀等賓鴻

曉夢陪企村宋相公宴倪仰亭

歷歷秋天曙名亭大老陪筵應回榜設客爲舉輿來
一代輪高鳳餘生愧下駘猶存歸隱計未受獄靈猜
近得五月家書中有母氏所賜黃紬巾女兒所
呈白絲囊各一蓋巾以代失而失者已還囊以
代破而亦已有別製也用洪武韻

珍重黃紬與白絲慈親愛女各纏聯巾要拭曉能明
視囊欲緘唇不妄言潔癖香薰猶韻事吟愁錦製亦
魔緣天涯半歲真顏是朝暮摩挲轉覺憐

泮中秋夜

秋日悠揚覺稍南秋宵獨宿夢難甘無端蟋蟀琤琤
語卻似龜陽卧小庵

吟寄祥雲新丞張君顯慶東行二絕

長城遺愛說莓龍君是雲孫詩夏雄一蒙秋潭驚馬逼
古星郎端合水曹中

頻出郵官亦太勞蓼川南望首應搔行行洛鏡仙靈
界粟大乾坤詎許包

李正字時晦焯在南里次晦齋知非吟示余及

仲建味益求和以存同庚相勉之誼蓋吾輩恰

恰平頭五十也因呈二律

陶令歸時自覺是，遽生化處旋知非。卻看大衍流年等，還怕真修一路微。隨念克治寧可緩，從頭省察不容違。但能寡過終無倦，直指如愚也易希。鏡中勲業君猶可，樓上行藏我已非。慈母年深還養薄，先朝恩大奈酬微。平居玉藻師傳墜，老去山雷父訓違。珍重同聲要永好，蕭條異代勛相希。温弟今年四十有八，而今七月二十八日，又其孤辰也。為賦一絕。君年六八已成皤，無奈頑兄二歲多。孤露只今吾夏

遠南鴻空美月中過

曉夢亾室

一訣三年夢亦稀，涼天微月忽依稀。無言定有關情處，知為家書議女歸。

七夕差 祭赴 太廟幕所志感三絕

未歿遙懷集慶堂，悲歌時獨夢先王。微官奉俎猶榮幸，今夜中唐得筵行。

帳望恁憂東復東，雲樓遺躅一江空。應知錦郡清晨祭，白髮郎君兩淚濛。

今曉即先師忌辰大廟方宰錦山故及之

南鄉七世小宗身，歸薦何由及令辰。德耀冥冥慈母

老思兒千里夏悲呻

八月八日為乾隆萬壽聖節在十三日應行望
闕禮故先期赴議政府習儀歸宿西洋忽夢謁
皇明高皇帝 高皇后于一處草屋蕭條階
庭鞠茂 帝手一鎌有怒容豈九廟已墟威靈
靡憑還本分賤微邪抑我 國雖築壇大報而
一邊為清人望闕致 皇靈赫怒邪今以海外
一陪臣竊有戚焉謹賦四絕以志之
今宵何處拜皇儀 節屋寥寥草沒墀可惜江淮三尺
劍一鎌還復混樵兒

漫將三衛付兒皇 東北妖氛啓履霜天運從來亦何
恨古今無奈一炊梁

朝鮮錫號已隆 恩萬曆東征實造藩不分今來誰
聖節年年皮幣柵城門

聞說天驕東出關 乘虛直合擣燕山書生昔夢嗟猶
左安得遼河洗甲還

憶昔二絕

昔年偕金士謙 益休 白載聞 思齋 自羨上沿

江赴京城舟至舞童島東秋水向落閣沙不
得行天已昏矣乃步投 陵中奉恩寺聞鐘

聲白君曰亦一醒耳者余笑曰不記先王峯
本度時詩別後秋江水雲林隔幾重孤舟
月未落遙聽翠微鐘乎士謙顧白君曰吾與
若內外孫今偶過此適值有此奇哉余又為
之一笑今八月中秋之曉余方舟行而月斜
鐘動依朕十年光景而士謙多病白君已早
世可哀因步王峯詩以志前後感慕云
歷歷嘉隆詠秋江雲樹重居難有餘愧猶共一樓鐘

右慕王峯

尚憶聯金白江行人
狀十年事獨聽奉恩鐘

右懷存沒二友

中秋客思

都中士女亦繚華上塚傾城不在家何事山雷老居
士送人詩就獨天涯是日適送在

漫寫用邊童載岷韻

落托京東令官寒晝亦扁無琴和流水有劔閃明星
玄學空紛白丹心奈汗青西風望不極獨立倚疎櫺
送宋禮佐汝濟文裨城主之官古阜

西風五馬古瀛州斗嶽清光滿鶴樓到日官廚應養
志翁年八十二春秋

漫題二絕

隨事存心是敬功，片時無主屋還空。從今猛省回頭岸，一法惺惺萬法宗。
長愧初心與古人，虛名十載尚風塵。山樵廚肯元吾分，叵奈勞勞汨性真。

九月十三 先王誕日也，行過素沙有感二絕

鷄鳴一馬大橋危，御幕遺墟北斗垂。卻憶向來崇政殿，三呼千歲動丹墀。素沙大店西北岡即英宗庚午溫行時駐蹕所
衰衰當日冠朝行，無地酬恩髮已霜。誰念蕭晨獨歸路，白雲回首叫先王。

酬宋君子潤日顯

青驪熟路小梅庭，千里迢來自有情。何事悲秋老居士，詩來強聒客眠驚。

宋七童亦大字口占呼贈

大秋童子索余書，筆秃紙艱無奈渠。試向江天斜日望，飛鴻活字史皇初。

秋里早發

白首猶形役，臨歧空爾為。那堪十日別，又此隔年期。野曠驪行小，川長鴈度遲。祇應千里夢，京國月明時。
葛院店大井

安老與亾一古墟流傳小說亦虞初獨憐大井澄澄
水猶是河西挹酌餘世傳金安老少時過此見一葛
者以攬至底則貫一頭骨蓋暴枯矣遂為之厚埋
夢有人來謝曰感子高義告以來事既興於葛亦亾
於葛乎後安老作相擅威福獲罪遠竄至此賜藥
於○店中大井水泉清美河西集有詩及之壬辰俊
賦稱之較他水最重蓋水有氣者最
重最美云近被店中馬厰漏惡可惜

詠畫篴并小序

夜間寒甚北戶尤緊覓洋人一大篴護風卽
清人內閣修書施鈺所畫月下梅邊美人獨
立者有手題云夜來靜看梅邊月欲向清光
寄所思有印章三道曰松下清齋日內閣修

書日鈺印但不志年月爾戲書二絕

世間何色獨非空無盡空中亦盡中有相從來因有
幻不如拋擲任春風
千古豪家說肉屏護風無幾只聞腥可憐月下梅邊
夜天遠貌姑侍我清

記夢并序

曉前夢拜先子先子教曰爾自作 陵官果
能持己以敬乎所謂敬者何義也不肖對曰
似是心無雜念之謂也言未畢而覺語默達
曉謹志以詩

衣冠瞻視易欺人，自省無如閤室親。
安得此心虛受直白頭，終免負洪句。

臘月朔志感

每見參星憶卯年，流光又是臘回天。
傷心白首無窮慕，虛負寥寥一炷烟。
辛卯秋冬七朔待湯時恒候參星正中以辨將曉自是八年有此苦海無以歸參十四忌辰奈何奈何

吟謝趙金吾器鎮二律

耕耘平生事，公賦晚走裾。
時清詎臣職，親老願君餘。
斗邑天難上，朱門海正如。
慙慙倚樓笛，時問寂寥居。

尚憶東城會，沿洄宇宙時。
他人誰和者，夫子獨憐之。
未面名先熟，相思夢亦隨。
情根知有在，歲晏欲為期。
齋居無俚戀，親尤切因巡。
垓子過黔丹，寺有吟一嘯。
人間世那堪，白髮多神京。
還作別南紀，轉成賒親老。
難為縣兒癡，未了家江天。
春已動歸計，莫蹉跎。

交河雜詠四絕

風流從古說宣城，滿地滄洲吏隱情。
安得玄暉與太白，一筵賓主擅雙清。
本陵即交河舊治郡
隆隆伏伏月籠山，迤走西南二水間。
還有大江陵外謁，移都初議已開端。
山本自月籠覺海時湖南地師李懿信倡移都本邦之

國齊

議先王辛
友移長陵

英陵戚里大家盧亭子臨流可網鱸聞道孱孫曾獨

保千金未許別人輸

栗老東方道學宗同時麗澤有龜峯傷心弱裔今何

在絃誦遺場草自封

憶昨二律

憶昨黔丹路真如天脫駒洞深惟日月山轉忽江湖

陣陣將歸鴈聲聲已浴鳧風颿向南極吾意颯先俱

慧也俄游錫總于獨掃堂丹公影依約月佛語荒唐

貝葉重翻字曼華幾劫香人天方護國 陵栢鎮蒼

蒼寺僧滋慧能文字解風水適出外不遇其徒軌總

國所成願佛長可一周尺大可一握耳又有真言梵

字夾以漢字東諺如三譯總解例中有麗季梵僧指

空所譯益重翻也又有觀世音金像前供曼陀羅華

二朵佛經所謂天雨花者牧隱集已有考證得諸指

耳而東俗不省訛呼萬頭藍或呼鷄冠以其形相類

耳寺在長陵外白虎埃中故余亦沿例勉護云

頃中夜聞有雨聲木葉悲鳴因誦朱子在同安

主簿日詩云擁衾不寐聽寒雨聲在荒庭竹樹

間萬里故園今夜永遙知風雪滿前山為之咨

嗟咏嘆累日未已始步其韻蓋先生當時亦已

送老幼東歸與祭未將母者同懷故爾

羈人此地愁誰語心在湖南雲水間腸斷五更無緒

頌齋

卷之四

詩

三十一

雨滴來鳴葉遍空山

從古五絕

從古山林出脚難不徒淺淺四方觀
朝廷此日誰爲主局外閒愁耿萬端

人君成德責經筵落汰方須極選賢
記誦詞章元末務布衣猶戒此中偏

齊家治國詎殊塗倫理規模本末俱
願說關雎先入孰周官始向講時敷

萬化源頭只一心工夫都不離誠欽
非誠卽僞非欽肆良法分明夙夜箴

康齋出處亦非輕漫號門生竟累名
勳戚誤人終一致可堪千古受遺評

病懷二律

弘濟西來愁更多掛冠初計欲如何
風微石榭猶留葉日暖山樞已養花
馬亦思歸聲苦切奴因扶疾手交加
早知一邑成虛願白首離親詎忍麼

挈矩誰知有母情居狀誑我獵長纓
銓家自取恢公譽游子徒煩喫苦行
日蹙田莊將失業年荒湖海轉無生
還思乞養非高士慚愧人間吏隱名

上元有感

又是新春月正圓 長園老令悄無眠神京已自思
親苦叵奈西來轉渺然

獨游齋室北崖偶見木蓮一樹為荆棘所蒙翳

亟令剪而疏之有感

木蓮中國木芙蓉亦曰拒霜花自余蓋始以為芙蓉

非霜而後悟其非乃辛夷花耳

春早千紅得意時憐渠寂寞只空枝卻看嫩葉猶天
澤花發西風始更奇

次羅成乃王璧天追慕先統禦公北書義跡韻

二律

儒家詩禮國干城遼瀋風聲萬古情江上瞞書猶卻

虜田間敲血實尊 明死心地倍桐溪苦生議天存

石室清珍重陪臣良史考未應終漏斗南名

邪分日月舊王春長憶將軍北聘辰漢節完來還絕

塞燕綃傳去幾多身可憐兵部褒榮小誰許常卿節

惠新一統書兼全韻製餘冤卻自滿洲伸

漫書

百日天無雪前宵一雨初不愁春麥短兼喜野芳舒

塵病游人屐風清倦客書歸期定何許晴後更躊躇

賦鵲花

一雨居狀斷送秣英頃刻委空除目前小劫元如

許何事爭春蓓蕾初

自戒五絕

科宦平生氣浩然此心充去庶歸全從今暗室尤須
謹珍重為山與及泉

邪念無端忽忽牽一身頃刻便成纏到頭自賊將誰

怨明著高談未遽賢

諸人

存去人禽瞥眼前餘光還復不多年悠悠放過嗟何
狀立地真修在惕乾

萬事無如一敬專工夫初自畏時先喚醒截斷循環
處方信吾心本有天

無碍多拘兩易偏箇中張弛合周旋南塘夙夜存要
法楷漏明儒性理編

棄官述懷

並序

余初非自期蔭塗者也只為二親年老欲得
一第以為養丙戌夏偶被收錄辛卯夏僅陞
六品而其十二月先子棄諸孤丙申正月起
翊贊以在外徑逾戊戌正月再起司僕主簿
旋移東部都事既蒞詞訟滿六朔又六朔而
無以擬外邑者竟以其十二月初七日擢為
長陵令豈不立地決歸而有實職不仕有

罪不得不強赴則參奉李碩模仕滿應遷及
并四日大政尹休文爲新僚自是日夕待其
至而不至二月二十日寒會 陵祭自禮曹
只令假官代行余之計至是窮矣家奴適以
慈氏書至書云前頭有可望則畱固可也否
則來亦可也噫小子于世其誰惻者無可望
決矣爰以明發之二十九日甲申不卜吉將
行默計爲令恰恰八十日正符陶徵士彭澤
棄官時事余之前月所次韻歸去來辭者實
以有所感於其心而日期巧合或亦天意也

歟

西陵欲發露淒淒芳草天涯一馬蹄豈爲祠官寒可
薄不堪眉恨苦難低清朝孝理春方好慈室榮供
日已稽歸侍百年真快事癡兒病弟亦相攜

昔崇禎中林忠愍慶業之逃避虜索也爲僧雇
舟聲言赴延安白川運米竟劫舟人入 明朝
近聞其祝髮實在 陵西俗離山黔丹寺詢諾
寺僧亦以爲狀云因賦二律

九死當年萬折心 皇明東國有臣林誰知化主曾
戎帥卻把蘭衣換目綬蹈海高風蛟鱓伏臨江苦節

日星森千秋汚史崔丞相爭及舟中一武金賦子金即從

者公

江漢西流小俗離一卷遺躅使人悲辛勤網外逃禪
計局墜山間下海時已共黃雀終不濟雖投鍾石亦
奚為惟應此地名長在畱誌宣城竟復誰

寓歌

昔天雨九年大陸成洪水堯老且無奈竟付神禹理
水乃由地中美哉行無事天成地又平萬世將胥利
况聞驅龍蛇放菹隨所使大者既驅除小者當略爾
魚蝦亦何罪一網困欲死如將竭澤搜去去無窮已

澤竭終奈何恐或非禹意置之勿復道但導中和氣
五風仍十雨品彙各生遂不狀陰陽沴懷襄夏容易
何代無此水可戒昭前史悠悠彼岸上歌願徹舟中耳

聞兩湖麥穗向豐志喜

三冬無雪小臣憂驚聽湖塹麥可秋自是歲星臨翼
軫天心應悔餓氓流近者木星在翼軫度以我國八
路星野占之當應湖南之下道

漫書二絕

歷歷神京三萬家輕軒駿馬日相過閉門獨有山雷
子譏拙譏疎一任他

預薦何須入黨借了翁千載此心諧武清門下康齋

士還被行人捉取來

和閔士行百遠韻並序

故統制使閔公濟章少以智勇聞 肅廟辛卯如日本遇風蕩舟活眾 英宗戊申守安城討賊出奇奏捷厥績偉狀在一世耳目而前而為通信使趙泰億所略褒後而為巡撫使吳命恒所全攘或信或謫蓋無足道惟陶庵李文正實幸銘墓而章之此于其三錦家乘可徵也及 英廟晚舉闕典命攷辛卯日記特錄其裔則所後孫士行氏得通籍歷典

真寶縣顧戊申戡亂錄所載猶可歉者奈力無以改正何頃士行袖示感慕之作五十六字要余續和余不佞曷能為役亦以寓夫於戲不念之一端耳

嘆嗜英姿板蕩誠東南草木尚知名援人目下無魚蟹熾賊窟中有甲兵瑞石元精唾永秘寒泉大筆獨分明賢孫亦慕 先王聖可但區區為綬纓

和李上舍應之東運贈別韻

古學微茫豈易期一言投分兩情宜方將玩理先浴數不是遺常反鴛奇慕老門庭書固在炳翁心地樂

應知須君導我窮源處無臭無聲始勿疑

夏至二絕

陰在陽中陽極陰循環一理亦天心但令陰道恆知
戒不到霜冰輾轉淡
陽盛猶凶陰可知疑陽必戰罪歸誰從來品物咸章
慶正在陰微陽壯時

雨後

不信烏紗瘦帶人江湖騎馬十來春雨餘一榻悠揚
夢猶作慈闈弄雀身

自笑六絕

梨峴東迤小才西路山蒼翠對幽棲到來自覺紅塵
遠公退時時古帙攜

古帙方將獲古心身雖城市志山林世間捷徑非昔
事不管天飛與陸沈

飛沈何與太虛中前後從來一个通終竟向誰描不
得石家門下有吳翁

吳翁猶解引莘巖一去無來且免慚出處各應時義
以義經文象合鈎撥

文象畱心自少來胡朕薄宦久低徊為親已是非需
世一養榮時便可回

榮眷如今遂願難碧天寥廓眼長寒可憐風雨西陵
夢空在道遙水竹間

聞鶯

人世悠悠萬念輕十年何事有虛聲流鶯卻是無
着飛去飛來自道名

聽蟬有懷水翁

日曉清蟬向夕陽有時風引卻傳花柳雨畔聲多
少千里相思白髮長

騎邀李老微台代簡二律

厚老源流在宣城里巷渡功名已兒輩文象自天心

獨坐還成睡長謠或散襟樓樓湖外客白首喜相尋
南風不作雨一病可遙知未入 明王夢應憐少友
期馬迎方繾綣鷄供詎差池日永鑪香裊相將謁伏
義

雜賦三絕

千秋人極紫陽翁遺事遺文點檢中堪惜向來蠶測
者空捐梨棗幾多工

樂仙琴譜想冷冷叵奈松風轉鄭聲莫怪龍庵新徵

羽乾坤易簡尚留情頂得明人汪俊慶樂仙譜指法
猶不趣繁而清人程雄指法則

其務新甚矣若潘士權大樂元音一書加下徵下羽
二絃於首二未知百世知琴者以爲如何而詩樂十

二篇指法
簡淡可尚

從來禮樂已無元書數遺言未盡殘莫向童孩先性

命且容游藝得開端近世諸儒接後進先以陰陽性命之微小則成疑大則成爭不

若且教六藝故
余嘗以此為言

木葉二絕

齊榮春夏幾多根黃赤初生各及原卻有青萌從克

白此言猶發未曾言余年來細看木葉春生而秋衰者其生也黃則其衰亦黃其生

也赤則其衰亦赤如桑柘及楓皆狀惟其生而青者衰而必白蓋青乃木之正色故從金所克而白耳此

雖瑣語亦猶發前
之未發故存之

精氣游魂孔繫文輪回一說假途云張高到此曾胡

信葉葉新新試細分佛氏輪回之說固已藉口大傳而橫渠梁溪又從而為信何哉

遣興

江國長雲雨陰晴不自分蟬方千樹張鴉已一山曠

理契時堪舞機融境若醺但成求養願吾亦舊陶君

有感五絕

致知猶易力行難老子平生亦檢看知未及真行自

履願言齊做不偏安

博學能文可愧名如真忠實近思誠白頭念念師言

在用晦兼將體過庭先師嘗稱小子日博學能文言

物之所忌使其有實而名自至則亦何傷只恐爾得虛聲而嫁實禍

幽獨工夫快足稀一毫差失復敲危心天自古相流
灌弩力當場畏字持

朝陰夕影遞西東人壯人衰只箇中壯年遲日衰年
疾此理憑誰問化工

浮生浪歎亦奚論惟有希天不朽存強半百年吾已
爾祗應隨力勉行尊古云尊其所聞行其所志

雜詩

林罅天愈碧曾聞邵堯夫峽深天更青再聞金炳如
兩間一大氣三際括三行理子質之母強以清蒙名
在瓶即滿瓶在壑即滿壑而非雲與霧輕微且無色

何人望有碍何物映不透狀能眩日月又能迷星宿
引卑使之高展狹使之廣小者爲之大短者爲之長
入冬并近地多濁尤變真於焉測易差較量須入神
吾嘗得斯說俯仰儀器外大約亦無他古人已昭載
于日日陽燄于水曰野馬虛影傍實影斯又罔兩者
氤氳本地蒸升陽而降陰其升薄而淡其降厚而濛
林間與峽中厥惟陰所積縱有強弱分宜令青碧益
青碧亦豈正從地視則狀豎說如不信橫說可相詮
君看遠遠山眼窮滋如蓋一氣無橫豎妙哉環中涵

奉陪嚶嚶先生

金用

游碧松亭與李頤士萬運

宋正郎益中洪正字光一慎正字性真張博士

漢詰南文義溟學及泮人金喜重知禮朱永昌

能詩者敬步所拈示唐詩韻一律追呈

溪游不待小車巾
冉冉松陰自絕塵
滿座風流南北
客環橋名跡古今人
著龜一代真元老
型範平生幸
此身清暇發舒知
有度年年來酌太霞春

步柳君滌養和堂韻二律

悠悠大地一清蒙
依約元和獨展公
春暖秋涼經濟裏
晨興夕寐起居中
無愁未必頭垂白
不忤何曾面發紅
好是百年樵牧社
傳家餘韻實元功

一騎時時孤草堂
荆川西曲即滄浪
思親遠夢何能定
對子煩襟輒為京
卻報玫瑰花正發
徒知穉稭稻新香
歸期火迫情空復
應笑山雷老轉狂

可賞即古所稱玉玫瑰也

仲建宋益將歸葬其伯邦彥益臣一求挽三絕

土老淵源海老傳
從翁驄馬亦翩翩
憐君五十二年事
無奈洪句賦未全

孝友文華一郡稱
先庭遺訓晚猶承
賢郎筆下凌雲賦
京國聲名自此升

同庚連袂老郎中
棠棣黃緣幾度逢
可惜浮生千古

別夕陽歸鴈又秋風

八月二十九得木川 除命三十日早告廟志

感二絕

警警浮名是桂坊前春太僕夏 恩光爭如本嶽新
除 肯一笑慈顏意頓強

吾母因言老尚安官程四百不須難壺山錦水行行
日縱是初冬亦未寒

除夕獨坐

少也亦聰明賦予其惟大胡為歧路間強半費流年
日月詎我與顏髻嗟已晚區區斗許邑清俸不盈萬

錦江偶成

日日恒風吹不休眼前無處得安流魚疲鼈悴渾閒
事誰遣長年試礙舟 礙即碍礙亦作礙

詠官柳

官墻垂柳綠絲絲欲向東風贈所思可惜韶華今已
半白頭吟望立多時

在日新店苦待慈行忽聞宿孝家走書述懷二
絕

江北踟躕日欲昏南來消息指晨暎如年一夜春猶
永十里依依向德村

曹家隨子昔東征朱母同安又有行珍重 國恩何
路報平反一笑仰慈情

奉贐水翁

休益東陵之行并小

水樓翁四十四始仕為一 謝西上過我山

雷靜居念其幾年高蹈忽落塵網寧不為如

我見笑者所快乎因記退溪赴 召路聞趙

月川有 恭陵新命寄一韻反嘲可為今日

借用輒改數字以贈行行永宋學臣翹當不

覺嗜飯也

野雀年來苦被羅時聞山雀笑呵呵那堪更有持羅

者就掩渠巢不奈何

元韻有鳥辭林被網羅林中一鳥笑呵呵此首

二句也退陶晚居林下故云辭林如弟則不敢

故自命野雀幸乞諸同聲相和以示

書贈龍灘鳳瀾二侄二絕

湖外家聲不之賢文章餘事亦相傳看渠兩兩能詩

早努力長程萬里鞭

老叔平生一漫郎歸來雙壁足聯光敦親勉業曾翁

事期爾追游亦勿忘

題韓生德孝詩卷

瀛州才子卷中詩傾蓋逢場惜太遲莫道衰翁先一飯苔霞餘韻古今師

追次權上舍行惠和詩字五絕

韓詩未省出權詩無奈癡儂見事遲卻喜源流存一脉須君轉作六經師

真儒方始有真詩巧拙何須判速遲但遣一身情性正沛然隨處足餘師

金塘高節又唐詩今世吾生獨苦遲尚賴農巖評論在苔翁可獨一鄉師金苔川不與廢母為澤堂所稱又以書狀官從清陰航海朝

天農巖選其詩而序之

鄒訪玄理亦唐詩今世吾生獨苦遲尚賴沙溪門路

在霞翁可獨一鄉師

論詩非是愛吟詩移步超層發故遲拾笈他時登岸願看渠一字亦為師

尹丈敏德挽三絕

已矣餘波乙卯年沙翁門下有公先當時醉祖應同傳清議何人筆似椽

早齡詩韻殿湖南先子相將白雪參可惜平生羅隱恨七旬前後九泉成已酉李方伯壽沉大試一路多

大戶共博而尹丈總爾已有詩名從我先子入場而試紙誤被換寫尹丈壯元則先詩也先子亦入格

則尹文詩也其後方伯聞其實何人稱先子詩曰不
意湖南有郢中白雪之音爾先子既七舉不中六十
八而棄不肖尹文終不

為景西飛寒旒翻牛岡咫尺小桃村一郎自有千孫
理珍重坡原故相門

頤齋遺藁卷之四

